

Составитель
Таисия Олейникова

**МОЛИТВЫ
К 125 УГОДНИКАМ
БОЖИИМ,
ХОДАТАЯМ НАШИМ
ПРЕД БОГОМ**

*С указанием
на особую благодать помощи
в различных нуждах
и немощах человеческих*

Издание 2-е



МОСКВА

ББК 86.372
УДК 27-282.3
М 75

Рекомендовано к публикации
Издательским Советом
Русской Православной Церкви
№ ИС 12-206-0440

М 75 Молитвы к 125 угодникам Божиим, ходатаям нашим пред Богом. С указанием на особую благодать помощи в различных нуждах и исходах человеческих / Сост. Т.С. Олейникова. — Изд. 3-е. — М.: Даръ. — 320 с.

ISBN 978-5-485-00265-7

В этой книге приведены молитвы, тропари, кондаки и величания угодникам Божиим, целителям душ и телес наших.

ББК 86.372
УДК 27-282.3

ISBN 978-5-485-00265-7

© Олейникова Т.С., сост.
© Издательство «ДАРЪ»

ПРЕДИСЛОВИЕ

Православная Церковь чествует разных угодников Божиих, которым и присвоила разные названия, соответственно их разнообразным подвигам добродетельной жизни на земле. Присвоенные святым названия таковы: *патриархи, праотцы, пророки, апостолы, святители, равноапостольные, священномученики, великомученики, преподобномученики, мученики, исповедники, преподобные, праведные, безмездники, или бессребренники, и блаженные. Патриархами первоначально называли праотцев избранного народа. В настоящее время в Церкви христианской Патриархом называется высший священноначальник (архиерей), которому подчинены не только церковнослужители, диаконы и священники, но и епископы и митрополиты известной страны или округа. Пророки — великие по своей благочестивой жизни мужи Ветхого завета, которые избирались Самим Богом и Им же посылались в разные места к людям для предсказания им будущего, по преимуществу о пришествии на землю Христа, Спасителя мира. Апостолы — великие мужи Нового завета, самые близкие ко Христу Спасителю люди, достойнейшие ученики и спутники Его, которые были посланы Им в разные страны для проповедования людям Божественного Евангелия. Святители и отцы — восточные патриархи, благочестивые папы римские до разделения*

Церквей, патриархи, митрополиты, архиепископы, преемники святых апостолов в христианской Церкви и великие сотрудники их в деле проповеди Евангельской и в трудах истинного благочестия. *Святые равноапостольные и просветители* — мужи и жены царского или княжеского рода, а иногда и простого звания, своею проповедью обратившие ко Христу целые страны и народы. *Священномученики* — христианские епископы и пресвитеры, скончавшиеся от мук за веру во Христа. *Великомученики* — благочестивые мужи и жены разных мирских званий и состояний, мужественно и с великим терпением испытанные от мучителей разнообразные гонения, пытки и мучения за святую христианскую веру. *Преподобномученики* — благочестивые и истинные подвижники и подвижницы, исключительно монашеского звания, пострадавшие от язычников и неверцев за веру в Христа. *Мученики* — разных званий и сословий мужи и жены, без смущения, а иногда и с радостью шедшие поодиночке и толпами пред лицо своих мучителей и там за твердое и непоколебимое исповедание своей веры во Христа замученные. *Исповедники и страстотерпцы* — великие по добродетельной жизни мужи христианской Церкви, мужественно и безбоязненно везде и всегда исповедовавшие свою глубокую веру во Христа, открыто признавшие себя истинными христианами, потерпевшие за это мучения и истязания, но не получившие мученической кончины, некоторые из них называются *начертанными*, потому что во время истязаний им были положены особые клейма на лицо. *Преподобные* — великие, благочестивые и христолюбивые мужи и жены, пустыnnики, отшельники (удалявшиеся в пустынные места и там спасавшиеся в уединении), затворники (добровольно заключив-

шиеся в отдельные пещеры и кельи на всю жизнь) и столпники (подвизавшиеся под открытым небом на столбах или высоких бапнях), безмолвники (добровольно принявшие на себя подвиг молчания), — все исключительно монашеского звания. *Праведные* — великие мужи и жены, прославившиеся добродетельной и благочестивой жизнью, ревностным исполнением заповедей Божиих и неуклонным соблюдением истины Евангельского учения, без сложения с себя обязанностей семейных и общественных и живя в миру. *Безмездники*, или *бессребреники*, — мужи, благоугодившие Богу своими безмездными трудами на пользу ближних, служившие страждущим и врачевавшие больных. *Блаженные* — мужи и жены разных сословий и званий, проводившие земную жизнь свою и в миру и в пустыне с необыкновенной скромностью, с чрезвычайными лишениями и отречением от всевозможных мирских благ, а иногда и с разнообразным юродством, — и все это «Христа ради». Многим угодикам Божиим Господь даровал особую благодать — исцелять болезни и подавать помощь в других человеческих нуждах.

Адриан и Наталия, мученики

(305–311; 26 августа/8 сентября)

Мученикам Адриану и Наталии молятся о добрых отношениях в семье. Кроме этого, святую Наталию почитают на Руси как покровительницу льноводов.

Молитва

О, священная двоице, святии мученицы Христовы, Адриане и Наталие, блаженнии супруги и доблии страдальцы! Услышите нас, молящихся вам со слезами, и ниспослите на ны вся благопотребная душам и телесем нашим, и молитесь Христа Бога, да помилует нас и сотворит с нами по милости Своей, да не погибнем во гресех наших! Ей, святии мученицы! Примите глас моления нашего и избавите ны молитвами вашими от глада, губительства, труса, потопа, огня, града, меча, нашествия иноплеменников и междоусобных брани, от внезапныя смерти и от всех бед, печалей и болезней, да выну вашими молитвами и предстательством укрепляеми, прославим Господа Иисуса Христа, Емуже подобает всякая слава, честь и

поклонение, со Безначальнымъ Его Отцемъ и Пресвятымъ Духомъ, во веки вековъ. Аминь.

Тропарь, гласъ 4

Мученицы Твои, Господи, Адрианъ и Наталия, во страданияхъ своихъ венцы прияша нетленныя отъ Тебе, Бога нашего: имуще бо крепость Твою, мучителей низложиша, сокрушиша и демоновъ немощныя дерзости. Техъ молитвами спаси души наша.

Кондак, гласъ 4

Жены богомудрыя Божественная словеса въ сердце положивъ, Адриане, мучениче Христовъ, къ мучениямъ усердно устремился еси, съ супругою венецъ приемъ.

Величание

Величаемъ васъ, страсотерпцы святии Адриане и Наталие, и чтимъ честная страдания ваша, яже за Христа претерпели есте.

Александръ Невскій

(въ схимѣ Алексій), благоверный князь

(1263; 30 августа/12 сентября
и 23 ноября/6 декабря; 23 мая/5 июня)

Святому благоверному князю Александру Невскому молятся о защите отъ нашествія иноплемennыхъ, отъ насилія иноверныхъ, объ избавленіи отъ междоусобной брани.

Молитва

Скорый помощник всех, усердно к тебе прибегающих, и теплый наш пред Господом предстателю, святой благоверный великий княже Александре! Призри милостивно на ны недостойныя, многими беззаконии непотребны себе сотворшия, к раце мощей твоих (или ко святей иконе твоей) ныне притекающия и из глубины сердца к тебе взывающия. Ты в житии своем ревнитель и защитник православныя веры был еси, и нас в ней теплыми твоими к Богу молитвами непоколебимы утверди. Ты великое возложенное на тя служение тщательно проходил еси, и нас твоею помощию пребывать коегождо, в немже призван есть, настави. Ты, победив полки супостатов, от пределов российских отгнал еси: и на нас ополчающихся всех видимых и невидимых врагов низложи. Ты, оставив тленный венец царства земнаго, набрал еси безмолвное житие, и ныне праведно венцем нетленным увенчанный, на Небесех царствуящи, исходатайствуй и нам, смиренно молим тя, житие тихое и безмятежное, и к вечному Царствию шествие неуклонное твоим предстательством устрой нам. Предстоя же со всеми святыми Престолу Божию, молися о всех православных христианах, да сохранит их Господь Бог Своею благодатию в

мире, здравии, долгоденствии и всяком благополучии в должайшая лета, да присно славим и благословим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.

Тропарь, глас 4

Познай свою братию, российский Иосифе, не в Египте, но на Небесех царствующи, благоверне княже Александре, и прими моления их, умножая жита людям плодородием земли твоея, грады владычества твоего ограждая молением и православным христианом на сопротивныя споборствуя (30 августа/12 сентября; перенесение мощей блгв. кн. Александра Невского).

Кондак, глас 8

Яко звезду ты пресветлую почитаем, от востока возсиявшую и на запад пришедшую: всю бо страну сию чудесы и добротою обогащаеши и просвещаеши верою чтущия память твою, Александре блаженне. Сего ради днесь празднуем твое усмение, людие твои сущии: моли спасти отечество твое и вся притекающия к раце мощей твоих и верно вопиющия ти: радуйся, граду нашему утверждение (23 ноября/6 декабря).

Величание

Величаем тя, святыи благоверный княже
Алексаидре, и чтим святую память твою,
ты бо молиши за нас Христа Бога нашего.

Александр Свирский, преподобный

(1533; 30 августа/12 сентября;
17/30 апреля)

*Преподобному Александру Свирскому мо-
лятся об исцелении в расслаблении тела с
бессонницей, потерей аппетита и лишением
каких-либо членов, а также в желании иметь
детей мужского пола.*

Молитва

О, священная главо, ангеле земный и
человече небесный, преподобне и богонос-
не отче наш Александре, изрядный угод-
ниче Пресвятыя и Единосущныя Троицы,
многия милости живущим во святей обите-
ли твоей и всем, с верою и любовью прите-
кающим к тебе, являяи! Испроси нам вся к
житию сему временному благопотребная,
паче же к вечному спасению нашему нуж-
ная. Пособствуй предстательством твоим,
угодниче Божий, правителем страны на-

шея России. И да в мире глубоце пребудет Святая Православная Церковь Христова. Буди всем нам, чудотворче святой, во всякой скорби и обстояниях скорый помощник. Наипаче же в час кончины нашей явися нам заступник благосердый, да не предани будем на мытарствах воздушных власти влобнаго миродержца, но да сподобимся непреткновеннаго восхода во Царствие Небесное. Ей, отче, молитвенниче наш присный! Не посрами упования нашего, не презри смиренных молений наших, но присно о нас пред Престолом Живоначальных Троицы предстательствуй, да сподобимся вкупе с тобою и со всеми святыми, аще и недостойни есмы, в селених райских славити величие, благодать и милость Единаго в Троице Бога, Отца и Сына и Святаго Духа, во веки веков. Аминь.

Тропарь, глас 4

От юности, богомудре, желанием духовным в пустыню вселився, единого Христа возжелал еси усердно стопам в след ходити. Темже и ангельстии чини, зряще тя, удивишася: како, с плотью невидимым козням подвизався, премудре, победил еси полки страстей воздержанием и явился еси равноангелен на земли, Александре преподобне, моли Христа Бога, да спасет души наша.

Кондак, глас 8

Яко многосветлая звезда, днесь в странах российских возсиял еси, отче, вселився в пустыню, Христовым стопам последовати усердно возжелал еси и, Того святое иго на рамо твое взем — Честный Крест, умертвил еси труды подвиг твоих телесная выгнания. Темже вопием ти: спаси стадо твое, еже собрал еси, мудре, да зовем ти: радуйся, преподобне Александре, отче наш.

Величание

Ублажаем тя, преподобне отче Александре, и чтим святую память твою, наставниче монахов и собеседниче Ангелов.



Алексий, митрополит Московский и всея России чудотворец

(1378; 12/25 февраля; 20 мая/2 июня;
5/18 октября)

Святителю Алексею, митрополиту Московскому и всея Руси чудотворцу, молятся о даровании прозрения.

Молитва

О, пречестная и священная главо и благодати Святаго Духа исполненная, Спасово

со Отцем обителище, великий архиерее, теплый наш заступниче, святителю Алексие! Предстоя у Престола всех Царя и наслаждаясь света Единосущныя Троицы и херувимски со Ангелы возглашая песнь трисвятую, великое же и неизследованное дерзновение имея ко Всемилостивому Владыце, молися паствы Христовы спасти людей; благостояние святых церквей утверди, архиереек благолепием святительства украси; монашествующая к подвигам доброго течения укрепи; град сей и вся грады и страны добре сохрани, и веру святую непорочну соблюсти умоли, мир весь представительством твоим умири, от глада и пагубы избави ны, и от нападения иноплемennых сохрани; старыя утеши, юныя настави, безумныя умудри, вдовицы помилуй, сироты вступи, младенцы возрасти, плененныя возврати, немощствующия исцели и везде тепле призывающих тя и с верою притекающих к раце честных и многоцелебных мощей твоих, усердно припадающих и молящихся тебе, от всяких напастей и бед ходатайством твоим свободи, да зовем ти: о, богоизбранный пастырю, звездо всесветлая мысленная тверди, тайнаго Сиона неборимый столпе, миродохновенный цвете райский, всезлатая уста слова, Московская похвало, всея России украшение! Моли о

нас Всещедраго и Человеколюбиваго Христа, Бога нашего, да в день страшнаго пришествия Его шуяго стояння избавит нас, и радости святых причастники сотворит со всеми святыми во веки. Аминь.

**Тропарь,
глас 8**

Яко апостолом сопрестольна, и врача предобра, и служителя благоприятна, к раце твоей честней притекающе, святителю Алексие, богомудре чудотворче, сошедшееся любовию в память твою, светло празднуем, в песнях и пениях радуешься и Христа славяще, таковую благодать тебе даровавшаго исцелений и граду твоему великое утверждение (12/25 февраля).

**Кондак,
глас 8**

Божественнаго и пречестнаго святителя Христова, новаго чудотворца Алексия, верно вси поюще, людие, любовию да ублажим, яко пастыря великаго, служителя же и учителя премудра земли Российстей. Днесь в память его притекше, радостно возопием песнь богоносному: яко имея дерзновение к Богу, многообразных нас избави обстояний, да зовем ти: радуйся утверждение граду нашему (12/25 февраля).

Величание

Величаем тя, святителю отче Алексие,
и чтим святую память твою, ты бо молиши
за нас Христа Бога нашего.

Алексий, человек Божий

(411; 17/30 марта)

*Преподобному Алексию, человеку Божию,
молятся об избавлении от гордости, о по-
кровительстве рыболовам.*

Молитва

О, великий Христов угодниче, святой
человече Божий Алексие, душою на Небеси
Престолу Господню предстояй, на земли
же данною ти свыше благодатию различ-
ная совершая чудеса! Призри милостивно
на предстоящая святей иконе твоей люди,
умиленно молящиеся и просящие от тебе
помощи и заступления. Простри молитвен-
но ко Господу Богу честнии руки твои, и
испроси нам от Него оставление согреше-
ний наших вольных и невольных, в неду-
зах страждущим исцеление, нападваемым
заступление, скорбящим утешение, бедст-
вующим скорую помощь, всем же чтущим
тя мирную и христианскую живота кончину

и добрый ответ на Страшнем Суде Христове. Ей, угодниче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да, твоими молитвами получивше благодать и милость от Господа, прославим человеколюбие Отца и Сына и Святаго Духа, в Троице славимаго и покланяемаго Бога, и твое святое заступление, ныне и присно и во веки веков. Аминь.

Тропарь, глас 4

Возвысився на добродетель и ум очистив, к желанному и крайнему достигл еси, безстрастием же украсив житие твое, и пощение изрядное восприним совестию чистою, в молитвах, яко бесплотен, пребывая, возсиял еси, яко солнце, в мире, преблаженне Алексие.

Кондак, глас 2

Дом родителей твоих, яко чужд, имев, водворился еси в нем нищеобразно и, по преставлении венец прием славы, дивен на земли явился еси, Алексие, человече Божий, Ангелом и человеком радование.

Величание

Ублажаем тя, преподобне отче Алексие, человече Божий, и чтим святую память твою, ты бо молиши за нас Христа Бога нашего.

**Анастасия Римляныня,
преподобномученица**

*(III; 29 октября/11 ноября;
30 октября/12 ноября)*

Святой преподобномученице Анастасии Римляныне молятся о сохранении благосостояния и врачевании скота, в основном овец.

Молитва

Девственниц похвало и мучениц славо, Анастасие преподобная! К тебе во умилении сердец наших припадаем и твоего заступления у Господа о нас молим. Аще бо чистоте твоей не поревновахом и безбоязненного исповедания твоего не приобщихомся, паче же многими прегрешеньми и лютыми паденьми и отступленьми гнев Божий привлекохом; но не хотим во гресех наших умерети, на твоя мужеския подвиги взирающе, пакы на одоление страстей наших ояолчаемся. Сие же ведуще, яко кроме благодатныя помощи ничтоже благое сотворити возможем, тую нам от Господа подати тебе просим.

Ты бо, преподобномученице преславная, велие ко Владыце дерзновение стяжала еси, яко прославившая Его в чистей души твоей, и в телеси твоём страдальчеством, зане вся

прельщения и претерзание, и сосцев и рук и ног отсечение сладце претерпевши, дерзновенно вопияла еси: «Христос есть богатство мое и похвала».

Темже от того богатства и нашей нищете духовней подаждь дарования и от безмерных прегрешений живот наш соблюди, мир и безмятежие нам испроси, от нужд и уныния нас предстательством твоим огради, друг ко другу нас в послушании и братолюбии настави и ко Господу очи сердец наших всегда возводи, во еже присно славити нам Отца и Сына и Святаго Духа державу, и твое теплое предстательство во веки веков. Аминь.

Тропарь, глас 4

Агница Твоя, Исусе, Анастасия, зовет велиим гласом: Тебе, Женише мой, люблю, и Тебе ищущи страдальчеству, и сраспинаюся, и спогребаюся крещению Твоему, и стражду Тебе ради, яко да царствую в Тебе, и умираю за Тя, да и живу с Тобою; но яко жертву непорочную прими мя, с любовью пожержуюся Тебе. Тоя молитвами, яко Милостив, спаси души наша.

Кондак, глас 2

Храм твой всечестный яко цельбу душевную обретше, вси вернии велегласно

вопием ти: дево мученице, Анастасие великоименитая, Христа Бога моли непрестанно о всех нас.

Величание

Величаем тя, страстотерпице святая Анастасие, и чтим святую память твою, ты бо молиши за нас Христа Бога нашего.

Анастасия Узорешительница, великомученица

(ок. 304; 22 декабря/4 января)

Великомученице Анастасии Узорешительнице молятся о помощи в трудных родах и об освобождении из плена и заточения.

Молитва

О, многострадальная и премудрая великомученице Анастасие! Ты душею на Небеси у Престола Господня предстоиши, на земли же, данною тебе благодатию, различная совершаеши исцеления. Призри убо милостивно на предстоящих люди и молящихся пред пречистым образом твоим, просящих твоея помощи: простри ко Господу святая молитвы твоя о нас, и испроси нам оставление согрешений наших:

недужным исцеление, скорбящим и бедствующим скорую помощь; умоли Господа, да подаст всем нам христианскую кончину и добрый ответ на Страшном Суде Своем, да сподобимся и мы купно с тобою славить Отца и Сына и Святаго Духа во веки веков. Аминь.

**Тропарь,
глас 4**

Победоносного Воскресения истинноименитая наречена еси, мученице Христова, победы на враги поставила еси мук терпением, Христа ради, Жениха твоего, Егоже возлюбила еси. Того моли спасти души наша.

**Кондак,
глас 2**

Во искушениях и скорбех сущи, к твоему храму притекающе, приемлют честная дарования от живущия в тебе Божественныя благодати, Анастасие: ты бо присно миру точиши исцеления.

Величание

Величаем тя, страстотерпице Христова Анастасие, и чтим честное страдание твое, еже за Христа претерпела еси.

Андрей Первозванный, апостол из 12-ти

(62; 30 ноября/13 декабря; 30 июня/12 июля)

*Апостолу Андрею Первозванному молятся
о хороших женихах.*

Молитва

Первозвание апостоле Бога и Спаса нашего Иисуса Христа, Церкви последователю верховный, всехвальне Андрее! Славим и величаем апостольския труды твоя, сладце поминаем твое благословенное к нам пришествие, ублажаем честная страдания твоя, яже за Христа претерпел еси, лобызаем священные мощи твоя, чтим святую память твою и веруем, яко жив Господь, жива же и душа твоя, и с Ним во веки на Небеси пребываеши, идеже и нас любовию твоею не оставляеши, якоже возлюбил еси отцы наша, егда Духом Святым прозрел еси земли наша ко Христу обращение. Веруем же, яко и молиши о нас Бога, зря во свете Его вся нужды наша. Тако сию веру нашу во храм твоем исповедуем, и Господа и Бога и Спаса нашего Иисуса Христа молим, да молитвами твоими подаст нам вся потребная ко спасению нас грешных: да якоже

ты абие по гласу Господа, оставль мрежи твоя, неуклонно Тому последовал еси, сице и кийждо от нас не своих си да ищет, но еже к созиданию ближняго, и о горнем званни да помышляет.

Имуще же тя предстателя и молитвенника о нас, уповаем, яко молитва твоя много может пред Господом и Спасителем нашим Иисусом Христом, Емуже подобает всякая слава, честь и поклонение, со Отцем и Святым Духом, во веки веков. Аминь.

Тропарь, глас 4

Яко апостолов первозванный и верховнаго сущий брат, Владыце всех, Андрее, молися, мир вселенней даровати и душам нашим велию милость.

Кондак, глас 2

Мужества тезоименитаго богоглагольника и Церкви возследователя верховнаго, Петрова сродника восхвалим: зане якоже древле сему, и ныне нам воззва: приидите, обретохом Желаемаго.

Величание

Величаем тя, апостоле Христов Андрее, и чтим болезни и труды твоя, имиже трудился еси во благовестии Христове.

**Антипа, епископ Пергама Асийского,
священномученик**

(92: 11/24 апреля)

Священномученику Антипе молятся об исцелении от зубной боли.

Молитва

О, преславный священномучениче Антипо и скорый помощниче христианом в болезнях! Верую от всей души и помышления, яко дадеся тебе от Господа дар болящих исцеляти, недугующих врачевати и ослабленные укрепляти. Сего ради к тебе, яко благодатному врачу болезней, аз немощный прибегаю и, твой досточтимый образ со благоговением лобызая, молюся: твоим предстательством у Царя Небесного испроси мне болящему исцеление от угрожающих мя зубных болезней, аще бо и не достоин есмь тебе благостнейшаго отца и приснаго заступника моего: но ты, быв подражатель человеколюбия Божия, сотвори мя достойна твоего заступления чрез мое обращение от злых дел к благому житию, уврачуй обильно дарованною тебе благодатию язвы и срупы души и тела моего, даруй ми здравие и спасение и во всем благое

поспешение, да тако тихое и безмолвное житие пожив во всяком благочестии и чистоте, сподоблюся со всеми святыми славити всесвятое имя Отца и Сына и Святаго Духа. Аминь.

Тропарь, глас 4

Идолюския лести упразднил еси, Антипо, и диавольскую поправ силу, пред богоборцы дерзновенно Христа исповедал еси. Темже со ангельскими чины в вышних водворяяся, Владыце всех славословие принося, и о нас молебное благодарение предлагаеши, благодать целбы даруя. Сего ради тя чтим, священномучениче Антипо, моли Христа Бога, да спасет души наша.

Кондак, глас 4

Апостолов сопредстольник и святителей украшение был еси, блаженне, мученически прославився, возсиял еси якоже солнце, всех просвещая, Антипо священне, разрушил еси безбожия ношь глубокую. Сего ради тя почитаем, яко божественнаго суща священномученика и целеб подателя.

Величание

Величаем тя, священномучениче Антипо, и чтим святую память твою, ты бо молиши за нас Христа Бога нашего.

**Антоний, Иоанн, Евстафий,
Виленские (Литовские)
мученики**

(1347; 14/27 апреля)

Святым мученикам Антонию, Иоанну и Евстафию Виленским (Литовским) молятся об исцелении страждующих болями ног.

Молитва

Святки мученицы Антоние, Иоанне и Евстафие! Призрите с Небеснаго чертога на требующих вашей помощи и не отвергните прошений наших, но, яко приснии благодетели и ходатаи наши, молитесь Христа Бога, да, человеколюбив и многомилостив сый, сохранит нас от всякаго лютаго обстояния: от труса, потопа, огня, меча, нашествия иноплемеников и междоусобныя брани. Да не осудит нас грешных по беззаконию нашему, и да не во зло обратим благая, даруемая нам от Всещедраго Бога, но во славу святаго имени Его и в прославление крепкаго вашего заступления.

Да молитвами вашими даст нам Господь мир помыслов, от пагубных страстей воздержание и от всякия скверны удаление; и да укрепит во всем мире Свою

Едину Святую Соборную и Апостольскую Церковь, юже стяжал естъ честною Своею Кровию.

Молитесь прилежно, святити мученицы, да благословит Христос Бог всю нашу державу, да утвердит во Святей Своей Православней Церкви живый дух правыя веры и благочестия: да вся чада ея, от суетумудрия и суеверия свободившеся, духом и истинною поклоняются Ему, и о соблюдении Его заповедей усердно потщатся; да мы вси в мире и благочестии поживем в настоящем веце, и достигнем блаженныя вечныя жизни на Небеси, благодатию Господа нашего Иисуса Христа, Емуже подобает всякая слава, честь и держава, со Отцем и Святым Духом, ныне и присно и во веки веков. Аминь.

Тропарь, глас 4

Иже земных чести и славы отвергшиеся, доблии и честнии страдальцы, веры ради крепко и мужественно муки претерпесте, на смерть себе давши за живот всех Владыку: темже и Христос преславно столпом облачным с Небес вас озари и почестъми и венцы от Престола славы венча: со Ангелы Тому предстояще, молитесь спастися душам нашим.

Кондак, глас 3

Отеческую предельсть оставльши, святии, приведостеся Христови, всем души усердием стаете мужемудренно до смерти. Темже и взясте победы почеть воистинну, о всех Владыку нашего непрестанно моляше.

Величание

Величаем вас, страстотерпцы святии, Антоние, Иоанне и Евстафие, и чтим честная страдания ваша, яже за Христа претерпели есте.

Антоний Великий, преподобный

(356; 17/30 января)

Преподобному Антонию Великому молятся о прогнании лукавых духов, о покровительстве немощным, об изгнании бесов.

Молитва

О, великий угодниче Божий, преподобне отче Антоние! Яко имея дерзновение ко Владыце Христу и ко Пречистой Его Матери, буди о нас, недостойных, молитвенник теплый, заступая нас от всяких бед и напастей, да твоими молитвами невредимы от враг видимых и невидимых пребудем. Моли

милосердие Божие, да спасет нас от прегрешений наших и ниже вестъ судьбами. Моли благость Бго, еже милостивно храму (дому) сему потребная даровати, жизнь нашу умирить и вся прихожанъ храма сего помилувати и спасти души наша, да непрестанно славим, хвалим, поем и величаем пречестное и великолепое имя Отца и Сына и Святаго Духа, ныне и присно и во веки веков. Аминь.

Тропарь, глас 4

Ревнителя Илии нравы подражая, Крестителю правыми стезями последуя, отче Антоние, пустыни был еси житель и вселенную утвердил еси молитвами твоими. Темже моли Христа Бога спастися душам нашим.

Кондак, глас 2

Житейския молвы отринув, безмолвно житие скончал еси, Крестителя подражая всяким образом, преподобнейший, с ним убо ты почитаем, отцев начальниче, Анто-

Величание

Ублажаем тя, преподобне отче Антоние, и чтим святую память твою, наставниче монахов и собеседниче Ангелов.

**Артемий Веркольский,
праведный, отрок**

(1545; 20 октября/2 ноября; 23 июня/6 июля)

Праведному Артемию Веркольскому молятся об исцелении от лихорадки и об избавлении от разных недугов (в болезненном состоянии вообще).

Молитва

О великославный угодниче Божий, о великий чудотворче, святой и праведный Артемие, херувиме земный, человеце небесный, Ангелов собеседниче, небесный жителю! Призри с высоты небесная светлым оком твоим, и низпосли нам лучи Божия благодати. Свещильниче боговозжженный, твоими святыми молитвами разжени мрак грехов наших, испроси у Отца светов свет благодати душам нашим, всех правоверных скорый быв помощник и заступник. Всяк бо, с верою под кров защитения твоего молитвенно притекаяй и заступления твоего у Господа просяй, абие пособствуемъ бывает, Божию же милость обретает и желания сердца своего не лишается, но просит благодати и приемлет дар на пользу прощения. Ты еси, праведный Артемие, вертоград Богом насажденный, в

немже цвет здравотворный процвете, еже исцелятися многим от зельнаго трясавичнаго недуга. О, коль мнози твоею чудесною помощию слепии прозреша, глушии слух прияха, хромии возсочиша и ходяша, немощии действо рук прияха, безумнии воумишася, расслабленнии в жилах укрепишася, сляченнии исправившася и имущии вреды исцелеша! Еще же и сквернии демони молитвою твоею отогнашася, и инии неисцельнии недуги разрешишася. Тако, святой и праведный Артемие, всем всегда милостив являешися. Убо и о нас неисповедимую Божию благодать умоли, да оставит нам Господь долги наша, и да хранит государство Российское в мире и благоденствии, в крепости и обилии, и веру православную да укрепит, церковныя же расколы да утолит, и вся православныя христиане да спасет. Мы же твою память святую от рода в род честно праздновати будем, славяще прославльшаго тя Христа Господа, Ему же подобает всякая слава, честь и поклонение, со Безначальным Отцем и со Пресвятым и Благим и Животворящим Духом, ныне и присно и в безконечныя веки веков. Аминь.

Тропарь, глас 2

Вышняго повелением, тученосным облаком, небо помрачившим и молниями бли-

стающим, грому же возпумевшему с прещением, испустя еси душу твою в руце Господеву, премудре Артемие, и ныне предстоиши Престолу Владыки всех, иже верою и любовию приходящим к тебе, подавая исцеление всем неотложно и моляся Христу Богу спастися душам нашим.

Кондак, глас 8

Воссия днесь пресветлая память премудраго Артемия; богоданная благодать, яко реки, изливает от целебных мощей его дивная исцеления, имиже от многоразличных недугов избавляемся, с верою приемлюще я и вызывающе: радуйся, Артемие богомудре.

Псалом

Величаем тя, страстотерпче Христов Артемие, и чтим святую память твою, ты бо молиши за нас Христа Бога нашего.

Афанасий Афонский, преподобный

(1000; 5/18 июля)

Преподобному Афанасию Афонскому молятся о помощи в отчаянии, а также о терпении и вспоможении больному, которому нет надежды выздороветь.

Молитва

Преподобне отче Афанасие, изрядный угодниче Христов и великий Афонский чудотворче! Во дни земнаго жития твоего многия на путь правый наставлявый и во Царствие Небесное мудре руководивый, скорбныя утешивый, падающим руку помощи подавый, и всем любезен, милостив и сострадателен отец бывый!

Ты и ныне, в Небесней пребывая светлости, наипаче умножаеши любовь твою к нам немощным, в море житейском различне бедствующим, искушаемым духом злобы и страстьми своими, воюющими на дух.

Сего ради смиренно молим тя, святыи отче: по данней тебе от Бога благодати помози нам волю Господню в простоте сердца и смирении творити, искушения же вражия победити и свирепое страстей море иссушити; да тако немокренно преидем житейскую пучину и предстательством твоим ко Господу сподобимся достигнути обетованного нам Царствия Небеснаго, славяще Безначальную Троицу, Отца и Сына и Святаго Духа, ныне и присно и во веки веков. Аминь.

Тропарь, глас 3

Еже во плоти житию твоему удивившася ангельстии чини, како с телом к невидимым

сплетением изшел еси, приснославне, и
уязвил еси демонския полки; отовудуже,
Афанасие, Христос тебе воздаде богатыми
дарованьми, сего ради, отче, моли спастися
душам нашим.

Кондак, глас 8

Яко невещественных существ зрителя
изрядна и деятельна сказателя всеистинна,
взывает тя стадо твое, богоглагольнице: не
оскудей, моля о рабех твоих, избавитися
напастей и обхождений, вопиющим ти: ра-
дуйся, отче Афанасие.

Величание

Ублажаем тя, преподобне отче Афанасие,
и чтим святую память твою, наставниче
монахов и собеседниче Ангелов.

Афанасий Брестский, преподобномученик

(1648; 5/18 сентября;

20 июля/2 августа;

в 3-ю неделю по Пятидесятнице)

**Преподобномученику Афанасию Брест-
скому молятся о защите от нашествия
иноверных.**

Молитва

О, предивный страстотерпче и изрядный
угодниче Христов, отче наш Афанасие!

Со умилением ныне преклоняем колена
сердца нашего и зываем ти: принеси мо-
литву нашу к Милостивому и Всесильному
Богу и испроси нам у благодати Его вся яже
на пользу душам и телесем нашим: веру пра-
ву, надежду несомненну, любовь нелицемер-
ну, во искушениях мужество, в злострада-
ниях терпение, в благочестии преспеяние,
да не во зло обратим дары Всеблагаго Бога,
но во славу имени Его святого и в прослав-
ление твоего о нас ходатайства.

Церковь же Святую от расколов и ересей
сохрани, верныя укрепи, заблудшыя на путь
правыя веры обрати: отечество твое сохра-
ни от враг ненаветно и спобораи оружие
крестоноснаго воинства.

Испроси, угодниче Христов, у Царя цар-
ствующих и Господа господствующих бла-
годать и силу и благословение небесное
правителем государства нашего и подаждь
государству нашему тишину и благоустрое-

■■■■

Не забудь, чудотворче святыи, и святую
обитель сию: сохрани и соблюди ю молитва-
ми твоими от всякаго зла. Ъй, святче Божий,
помяни и всех притекающих ко священной
раце твоей, и сподоби их кончину благую

улучити и Царствие Небесное унаследити, да прославим дивнаго во святых Своих Бога, покланяемаго в Трех Ипостасех, Емуже подобает всякая слава, честь и держава во веки веков. Аминь.

Тропарь, глас 2


Блажен еси, отче наш Афанасие, яко верно пожил еси, стоя бодренно за святую православную веру, со умилением престою неседалное Пречистей, заповедуя никому же нарушати православныя веры святых, пострадав за свидетельство истинны даже до смерти. Мы же, чтущие святыню твою, со дерзновением взываем ти: отче наш, преподобномучениче Афанасие, похвало и украшение наше.

Кондак, глас 4

Монашескаго жития украшение и мучеников красоту явля житием твоим, Афанасие, и яко солнце пресветлое людям православным возсиял еси. Темже и Христос даром чудес обогати тя; да чтуще пресветлую память твою, зовем: поминай стадо твое молитвами твоими, преподобне.

Величание

Ублажаем тя, святой преподобномучениче Афанасие, и чтим святую память твою, наставниче монахов и собеседниче Ангелов.



**Борис и Глеб, во Святом Крещении
Роман и Давид, благоверные князья,
страстотерпцы**

*(1015; 24 июля/6 августа и 2/15 мая;
5/18 сентября)*

Благоверным князьям Борису и Глебу молятся во время бедствия и нашествия врагов, об избавлении от междоусобной брани, о покровительстве посевам и о плодородии, об исцелении от болезней, в том числе и болезней ног, о умиротворении враждующих и умягчении злых сердец.

Молитва

О, двоице священная, братие прекраснии, доблии страстотерпцы Борисе и Глебе, от юности Христу верою, чистотою и любовью послужившии, и кровьми вашими яко багряницею украсившиися, и ныне со Христом царствующии! Не забудьте и нас, сущих на земли, во, яко теплии заступницы, вашим сильным ходатайством пред Христом Богом нас помилуйте, юныя убо во святей вере и чистоте, невреждены от всякаго прилога неверия и нечистоты сохраните, и всех нас молящихся от всякия скорби, озлобления и внезапныя смерти избавите, укротите же

всякую вражду и злобу, действием днавола от ближних и чуждых вoadвизаемую. Молим вас, христолюбивии стрaстотерпцы, споспешествуйте и правителем нашим к победе на враги, испросите у Великодаровитаго Владыки всем нам оставление прегрешений наших, единомыслие и здравие, избавление от нашествия иноплемennых, междоусобных брани, язвы и глада. Снабдевайте заступлением вашим град сей (или весь сию) и вся чтущия святую память вашу во веки веков. Аминь.

Тропарь, глас 2

Правдивии стрaстотерпцы и истиннии Евангелия Христова послушатели, целомудренний Ромaне с незлобивым Давидом, не сопротив стаа врагу сущу брату, убивающему телеса ваша, душам же коснутися не могущу, да плачется убо злый аластолубец: вы же радующеся с лики ангельскими, предстояще Святией Троице, молитеся о державе сродников ваших, богоугодней быти, и сыновом российским снастися (24 июля/6 августа).

Кондак, глас 3

Возсия днесь преславная память ваша, благороднии стрaстотерпцы Христовы, Ромaне и Давиде, созывающа нас к похвалению

Христа Бога нашего. Тем притекающе к раце мощей ваших, исцеления дар приемлем молитвами вашими, святити: вы бо божественнии врачеве есте (24 июля/6 августа).

Величание

Величаем вас, страстотерпцы святити Борисе и Глебе, и чтим честная страдания ваша, яже за Христа претерпели есте.

Варвара, великомученица

(ок. 306; 4/17 декабря)

Великомученице Варваре молятся о том, чтоб не умереть без исповеди и Святого Причащения, об избавлении от скоропостижной или внезапной смерти; у нее просят помощи и заступления за детей, об избавлении от тяжких недугов и болезней.

Молитва

Святая славная и всехвальная великомученице Христова Варваро! Собрании днесь в храме твоём божественнем людие, и раце мощей твоих покланяющиеся и любовию целующие, страдания же твоя мученическая в них Самого Страстоположника

Христа, давшего тебе не точию еже в Него веровати, но и еже по Нем страдати, похвалами ублажающе, молим тя, известная желанія нашего ходатаице: моли с нами и о нас умоляемаго от Своего благоутробія Бога, да милостивно услышит нас, просящих Его благостыню, и не оставит от нас вся ко спасенію и житію нуждая прошенія, и дарует христіанскую кончину животу нашему безболезненну, непостыдну, мирну, Божественных Таин причастну, и всем на всяцем мѣстѣ, во всяцей скорби и обстояніи, требующимъ Его человеколюбія и помощи, великую Свою подаст милость, да благодатию Божіею и твоимъ теплымъ предстательствомъ, душею и теломъ всегда здравии пребывающе, славимъ дивнаго во святыхъ Своихъ Бога Израилева, не удаляющаго помощи Своея отъ насъ, всегда, ныне и присно и во веки вековъ. Аминь.

Тропарь, глас 8

Варвару святую почтимъ: вражія бо сети сокруши и, яко птица, избавися отъ нихъ, помощію и оружіемъ креста, всечестная.

Кондак, глас 4

В Троице благочестно пѣваемому последовавши Богу, страстотерпице, идольская притупила еси чтилища; посреде же подвига

страдальчествующи, Варваро, мучителей
прещения не устрашилася еси, мужемуд-
ренная, велегласно поющи присно: Троицу
чту, Единое Божество.

Величание

Величаем тя, страстотерпице Христова
Варваро, и чтим честное страдание твое,
еже за Христа претерпела еси.



**Варсонофий, архимандрит Казанский,
епископ Тверской, чудотворец**

(1576; 4/17 октября; 11/24 апреля)

*Святителю Варсонофию Казанскому мо-
лятся об исцелении болезней, прежде всего
глазных.*

Молитва

Принякни, святителю Варсонофие, с
горних селений на притекающих к раце
мощей твоих и воими молением их: умоли
Господа Бога даровати всем нам, еже ко
спасению нашему мы просим у Него при
святых мощах твоих. Буди всем нам за-
ступник и ходатай в нуждах наших и про-
шениях. Умоли Господа Бога даровати
крепкий и нерушимый мир, благочиние,

просвещение умов и сердец и земли плодотворение, пастырем святыню, законом правду и силу, военачальником мудрость и непобедимое мужество, градоначальником суд, воинству преданность вере и отечеству, неодолимую храбрость, всем же православным христианом здравие и благочестие. Сохрани обитель твою святую от всех наветов вражиих, да словом и делом прославляется в ней всесвятое имя Отца и Сына и Святого Духа, ныне и присно и во веки веков. Аминь.

Тропарь, глас 3

Возвестителю пути спасительнаго, истинный хранителю апостольских преданий, столпе непоколебимый, благочестия учителю и Православия наставниче, святителю Варсонофие, Владыку всех моли мир вселенней даровати и душам нашим велию милость.

Кондак, глас 6

Воздержанием тело духу поработив, душу же равноангельну сотворил еси, сего ради святительства саном почтеша, чисте Чистейшему предстоиши. Моли Христа Бога, святителю, спасти люди твоя, святе, да вси вопиют ти: радуйся, отче преподобне Варсонофие, граду нашему Казани похвало и утверждение.

Величание

Величаем тя, святителю отче Варсонофие, и чтим святую память твою, ты бо молиши за нас Христа Бога нашего.

**Василий Великий, архиепископ
Кесарии Каппадокийской,
вселенский учитель**

(379; 1/14 января; 30 января/12 февраля)

*Святителю Василию Великому молятся
при открытии работ на фабрике, в мастерской и т.д.*

Молитва

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Василие! Предстоя у Престола всех Царя и наслаждаяся света Единосущныя Троицы и херувимски со Ангелы возглашая песнь трисвятую, великое и неизследованное дерзновение имея ко Всемилостивому Владыце, молиси паствы Христовы спасти людей, благостояние святых церквей утверди: архиереев благолепием святительства украси, монашествующих к подвигам доброго

течения укрепи, царствующий град и вся грады и страны добре сохрани, и веру святую непорочну соблюсти умоли, мир весь умири, от глада и пагубы избави ны, и от нападения иноплемennых сохрани, старыя утеши, юныя настави, безумныя умудри, вдовицы помилуй, сироты заступи, младенцы возрасти, плененныя возврати, немоществующия исцели, и везде тепле призывающих тя и с верою притекающих к тебе и усердно припадающих и молящихся от всяких напастей и бед ходатайством твоим свободи. Моли о нас Всещедрaго и Человеколюбивaго Христа Бога нашего, да и в день страшнаго пришествiя Его шуиaго стоянiя избавит нас и радости святых причастники сотворит со всеми святыми во веки. Аминь.

Тропарь, глас 1

Во всю землю изыде вещание твое, яко приемшую слово твое, имже боголепно научил еси: естество сущих уяснил еси, человеческия обычаи украсил еси. Царское священство, отче прендобне, моли Христа Бога спастися душам нашим.


Кондак, глас 4

Явился еси основание непоколебимое Церкви, подая все некрадомое господство

человеком, запечатлея твоими веленьми, небоявление Василие преподобне.

Величание

Величаем тя, святителю отче Василие, и чтим святую память твою, ты бо молиши за нас Христа Бога нашего.



**Василий, Христа ради юродивый,
блаженный, Московский чудотворец**

(1552; 2/15 августа)

Блаженному Василию, Московскому чудотворцу, молятся об исцелении от болезней, особенно глазных, об избавлении от пожара, о прекращении начавшегося пожара.

Молитва

О, великий угодниче Христов, истинный друже и верный рабе Всетворца Господа Бога, преблаженне Василие! Услыши ны, многогрешныя, ныне вопиющия к тебе и призывающия имя твое святое: помилуй ны, припадающия днесь к раце мощей твоих, прими малое наше и недостойное сие моление, умиласердися над убожеством нашим и молитвами твоими исцели всяк недуг и болезнь души и тела нашего греш-

наго, и сподоби ны течение жизни сея не-
вредимо от видимых и невидимых враг и
безгрешно прейти, и христианскую кончи-
ну непостыдну, мирну, безмятежну, и Не-
беснаго Царствия наследие получитьи со
всеми святыми во веки веков. Аминь.

Тропарь, глас 8

Житие твое, Василие, вельжное, и чис-
тота нескверна! Христа ради тело твое из-
нурил еси постом и бдением, и мразом и
теплотою солнечною, и слотою и дождев-
ным облаком, и просветися лице твое яко
солнце, и ныне приходят к тебе российский
народи, и вси людие, прославляюще святое
твое успение. Тем Христа Бога моли, да из-
бавит ны от варварскаго пленения и междо-
усобныя брани, и мир миру подаст и
душам нашим велию милость.

Кондак, глас 4

Духом Божиим водим, преблаженне Ва-
силие, оттрясл еси мирский мятеж, и жития
треволнения возгнушался еси, и, совлекая
одеяний тленных и облекся в ризу безстра-
стия, убежал еси ловления лъстиваго миро-
держца, и был еси странен во твоём языке,
и паче земнаго богатства избрав богатство
небесное, увязлся еси венцем терпения. И ны-
не, преблаженне Василие, моли Христа Бога

о творящих святую память твою, да зовем
ти: радуйся, преблаженне Василие.

Восхищение

Ублажаем тя, святой праведный Васи-
лие, и чтим святую память твою, ты бо мо-
лиши за нас Христа Бога нашего.



Мученицам Вере, Надежде, Любови и матери их Софии

(ок. 280; 17/30 сентября)

*Мученицам Вере, Надежде, Любови и матери
их Софии молятся о помощи в воспитании де-
тей в христианском благочестии.*

Молитва

О, святые и достохвальные мученицы, Ве-
ро, Надеждо и Любы и доблестных дщерей
мудрая мати София, к вам ныне притецем с
усердною молитвою, что бо паче возможет
предстательствовать за ны пред Господом, аще
не вера, надежда и любви, три сия краеуголь-
ные добродетели, в нихже образ нареченныя,
самою вещию тыя явите! Умолите Господа,
да в скорбех и напастьх неизреченною благо-
датию Своею покрывает ны, спасет и сохранит,
яко Благ есть и Человеколюбец. Того славу,

яко солнце незаходимое, ныне зряще святолепну, споспешествуйте нам в смиренных мольбах наших, да простит Господь Бог грехи и беззакония наша и да помилует нас грешных и недостойных щедрот Его. Молите убо о нас, святые мученицы, Господа нашего Иисуса Христа, Ему же славу возсылаем со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

Торжествует церковь первородных, и свеселится, приемля мать о чадах веселящуюся, яже яко мудрости тезоименитая, тройственным богословским добродетелем равночисленные породе. Тыя с мудрыми девами зрит уневествившия Жениху Богу Слову. С нею и мы духовне в памяти их свеселимся, глаголюще: Троицы поборницы, Веро, Любве и Надеждо, в вере, любви и надежде утверждайте нас.

Кондак, глас 1

Софии честныя священнейшия ветви, Вера, и Надежда, и Любовь показавшися, мудрость обуиша еллинскую благодатию, и пострадавше, и победоносицы явившися, венцем нетленным от всех Владыки Христа увязошася.

Величание

Величаем вас, страстотерпицы святые
Веро, Надеждо, Любовь и Софии, и чтим
честная страдания ваша, яже за Христа
претерпели есте.

Владимир равноапостольный,

МОЛИТВИ

(1015; 15/28 июля)

*Равноапостольному Владимиру молятся об
исцелении от глазных болезней.*

Молитва

О, великий и преславный угодниче Бо-
жий, богоизбранный и богославленный,
равноапостольный княже Владимире, свя-
тое и великодейственное орудие Всеблагаго
Промысла о спасении народа Российскаго!
Ты отринул еси аловерие и нечестие языче-
ское, уверовав еси во Единого Истиннаго
Триипостаснаго Бога и, восприняв Святое
Крещение, просветил еси светом Божест-
венных веры и благочестия царство Россий-
ское. Славяще убо и благодаряще Премило-
сердаго Творца и Спасителя нашего, славим
и благодарим и ты, великий пастырю и отче
наш, яко тобою познахом спасительную

святыя и Пребожественныя Троицы; тоюже верою избавихомся от праведнаго осуждения Божия, вечнаго рабства диаволя и адона мучительства; тою верою восприяхом благодать усыновления Богу и надежду наследования небеснаго блаженства. Ты еси первейший наш вождь к Начальнику и Совершителю нашего вечнаго спасения, Господу Иисусу Христу; ты еси ближайший предстатель пред Престолом Царя царствующих и теплый молитвенник и ходатай о царстве Всероссийском, о царех его, народоправителях и о всех людех; ты еси первейший виновник благословений и милостей Божиих, почивающих на нем. И что еще речем? Не может язык наш изобразити величие и высоту благодеяний твоих, влиянных на нас, недостойных. Но, о неразумия и ослепления нашего! Приемши толикия благодеяния, ни во что же вменихом я и отщетихомся спасительных плодов их. Омывшеся бо от греха в купели крещения и облекшеся в одежду чистоты и невинности, осквернихом сию богоданную одежду студными деяньми и помышленьми нашими; отрекшеся сатаны и аггелов его, паки порабощемся ему, служаще идолам страстей наших, миру, плоти и злым обычаем века: сочетавшеся Христу, выну оскорбляем

Его беззаконными нашими, многообразными язвами гордости, зависти, злобы, злословия, невоздержания и презорства ко Святей Церкви; прилепихомся всецело к суетным благам, аки мняще вовеки пребывати на земли; не помышляем о небе, о душе, о смерти, о суде, о нескончаемой вечности. Сего ради воздвигаем на ся праведный гнев и осуждение Божие, купно же оскорбляем и преогорчеваем твою отчую любовь и попечение о нас: ты бо просветил еси нас Святым Крещением, во еже способствовати нам к получению небеснаго блаженства и земнаго благоденствия; мы же, неразумнии, злым произволением нашим сами себе подвергаем адовым мукам и временным бедствиям! Но, о всеблагий отче и просветителю наш! Милостив буди к нашим немощем, долготерпелив ко грехам и неправдам нашим: умоля Премилосердаго Царя Небеснаго, да не прогневается на ны зело и не погубит нас со беззаконными нашими, но да помилует и спасет нас, имиже вестъ судьбами, да всадит в сердце наше спасительный страх Свой, да просветит Своею благодатью ум наш, во еже узрети нам бездну погибели, в нюже стремимся, оставити стези нечестия и заблуждений, обратитися же на путь спасения и истины, неуклонно исполнати заповеди Божии и уставы Святыя

Церкве Моли, благосерде, Человеколюбца Бога, да явит нам великую милость Свою, да избавит нас от нашествия иноплемянников, от внутренних нестроений, мятежей и раздоров, от глада, смертоносных болезней и от всякаго зла; да подаст нам благорасстворение воздуха и плодоносие земли; да сохранит в судящих и начальствующих правду и милость; да даст духовным пастырем непорочность жития и ревность о спасении пасомых, всем же людям усердие в исполнении своих обязанностей, взаимную любовь и единомыслие, стремление ко благу отечества и Святыя Церкви; да распространит свет спасительныя веры в царстве нашем во всех концах его; да обратит к правоверию неверующих; да упразднит вся ереси и расколы; да, тако поживше в мире на земли, сподобимся с тобою вечнаго блаженства, хваляще и превозносяще Бога во веки веков. Аминь.

Тропарь, глас 4

Уподобился еси купцу, ищущему добраго бисера, славнодержавный Владимире, на высоте стола сидя матере градов, богоспасаемаго Киева, испытаю же и посылая к царскому граду увести православную веру, и обрел еси безценный бисер, Христа, избравшаго тя, яко втораго Павла, и отрясшаго

слепоту во святей купели, душевную вкупе и телесную. Темже празднуем твое успешие, людие твои суще: моли спастися державы твоя Российския начальником и множеству владомых.

Кондак, глас 8

Подобствовав великому апостолу Павлу, в сядинах, всеславне Владимире, вся, яко младенческая, мудрования, яже о идолах тщания, оставль, яко муж совершенный, украсился еси божественнаго крещения багряницею, и ныне, Спасу Христу в веселии предстоя, моли спастися державы Российския начальником и множеству владомых.

Полити́я

Величаем тя, святыи равноапостольный княже Владимире, и чтим святую память твою, идолы поправшаго и всю Российскую землю Святым Крещением просветившаго.

Власий, епископ Севастийский, священномученик

(ок. 316; 11/24 февраля)

*Священномученику Власию Севастийскому
молятся об исцелении от болезней горла
и в опасности удушения костью, о помощи*

*в житейских делах и о благословении Божи-
ем над домою, о сохранении, благосостоянии
скота, об изобилии плодов земных.*

Молитва

Преблаженне и приснопамятне священ-
номучениче Власие, дивный страдальче и
предстателю наш теплый, по отшествии
твоем в жизнь вечную призывающим твое
святое имя пособствовать, и во всяких про-
шениях услышанным быти обещавай! Се
ныне к тебе, угоднику Божию, яко ко ис-
тинному ходатаю спасения притекаем и
смиренно молимся: предстани нам в по-
мощь, узами грехов связанным, подвижни-
ся на всемогущия твоя к Богу молитвы и
помолися о нас грешных: ты бо, недостой-
ный, призывать на заступление дерзаем, и
желаем от всех грехов наших тобою свобо-
ждение получить. О, святче Божий Власие!
В сокрушении и смирении сердца нашего
пред тобою припадаем и молимся: осияй
нас, омраченных наветы вражиими, светом
благодати свыше, да в нем ходяще, не пре-
ткнем о камень ног наших. Ты, яко сосуд в
честь избранный и исполненный благодати
Божия, молим: сподоби нас грешных от
исполнения твоего желаемое прияти, и ис-
цели наша душевныя и телесныя язвы,
грехом же нашим прощение и душевному

и телесному нашему здравью и спасению полезное у Господа испроси, да всегда прославляем Отца и Сына и Святаго Духа, и твое милостивное предстательство о душах и телесех наших, ныне и присно и во веки веков. Аминь.

**Тропарь,
глас 4**

И нравом причастник, и престолом наместник апостолом быв, деяние обрел еси богодухновенне в видения восход: сего ради слово истины исправляя, и веры ради пострадал еси даже до крове, священномучениче Власие, моли Христа Бога спастися душам нашим.

**Кондак,
глас 8**

Священия помазанием и мучения кровию украсился еси, славне Власие, осиявши всюду, в Вышних ликуя и нас назирая, в храм твой пришедшия и в нем тебе непрестанно зовущия: всех нас соблюди.

Величание

Величаем тя, священномучениче Власие, и чтим святую память твою, ты бо молиши за нас Христа Бога нашего.

Вонифатий, мученик
(290; 19 декабря/1 января)

*Мученику Вонифатию молятся об избавлении
от страсти пьянства и злосл.*

Молитва

О, многострадальный и всехвальный мучениче Вонифатие! Ко твоему заступлению ныне прибегаем, молений нас, поющих тебе, не отвержи, но милостивно услыши нас. Виждь братию и сестры наша, тяжким недугом пьянства одержимыя, виждь того ради от матери своея, Церкви Христовой, от вечнаго спасения отпадающая. О, святой мучениче Вонифатие, коснися сердцу их данною ти от Бога благодатию, скоро возстави от падений греховных и ко спасительному воздержанию приведи их. Умоли Господа Бога, Егоже ради страдал еси, да простит нам согрешения наша, не отвратит милости Своея от сынов Своих, но да укрепит в нас трезвение и целомудрие, да поможет Своею десницею трезвящимся, спасительный обет свой до конца сохранить во дни и нощи, в нем бодрствующе и о нем добрый ответ на Страшном судилище дати. Приими, угодниче Божий, молитвы матерей, о чадах своих слезы проливающих, жен честных, о мужех своих

рыдающих, чад сирых и убогих, от пианиц оставленных, всех нас, к иконе твоей припадающих, и да приидет сей вопль наш молитвами твоими ко Престолу Всевышняго даровати всем по молитвам их здравие и спасение душ и телес, наипаче же Царство Небесное. Покрый и соблюди нас от лукаваго увлечения и всех коаней вражиих, в страшный час исхода нашего помози прейти непреткновенно воздушные мытарства и молитвами твоими избави вечнаго осуждения. Умоли же Господа даровати нам к отечеству нашему любовь нелицемерную и непоколебимую, пред врагами Церкви Святыя видимыми и невидимыми силу непобедимую, да покроет нас милость Божия в нескончаемыя веки веков. Аминь.

Тропарь, глас 4

К сословию послан мучеников, мученик был еси истинен, пострадав за Христа крепчайше, всехвальне, мощми же возвратился еси верою пославшей тя, Вонифатие блаженне, моли Христа Бога прияти нам грехов прощение.

Кондак, глас 4

Священие непорочное самовольне Тебе привел еси, Иже от Девы тебе ради родитися Хотящему, свите венченосче, премудре Вонифатие.

Величание

Величаем тя, страстотерпче святыи Вонифатие, и чтим честная страдания твоя, яже за Христа претерпел еси.

**Всеволод, во Святом Крещении
Гавриил, Псковский чудотворец,
благочестивый князь**

(1138; 11/24 февраля; 22 апреля/5 мая;
27 ноября/10 декабря)

Благочестивому князю Всеволоду, во Святом Крещении Гавриилу, молятся о заступничестве вдов и сирот.

Молитва

О, великий угодниче Божий и преславный чудотворче, святыи благочестивый княже Всеволоде-Гаврииле, града Пскова и всея державы Российския небесный заступниче и покровителю, и всех нас усердный пред Богом предстателю и защитителю! Предстоя Престолу Великаго Царя и Бога нашего, в Троице Святей славимаго и покланяемаго, велие дерзновение к Нему имаши, яко верный раб Его и угодник. К тебе убо, яко сродному нам и многомощному пред Господом ходатаю, прибегаем мы, грешнии

и недостойнии, и умиженно просим тя: моли
 Всеблагаго Бога, да отвратит от нас гнев Свой,
 праведно по делам нашим на ны движимый,
 и, презрев безчисленная прегрешения наша,
 обратит нас на путь покаяния и спасения.
 Огради молитвами твоими в мире живот наш,
 и во всем благое поспешение и вся, яже к жи-
 воту и благочестию потребная, нам даровати
 испроси; и якоже древле град твой Псков от
 пленения и разорения ратнаго избавил еси,
 тако и ныне нас и вся грады и веси страны
 нашей от всяких напастей и бед и внезапных
 смерти предстательством твоим избави, и
 от всех враг видимых и невидимых покро-
 вом твоим защити. Сохрани молитвами твои-
 ми в мире державу нашу и буди всей стране
 Российстей крепкое ограждение; да тихое и
 безмолвное житие поживем во всяком благо-
 честии и чистоте, и тако в мире временное
 сие житие прешедше, в вечный достигнем
 покой, и сподобимся Небеснаго Царствия,
 славяще Отца и Сына и Святаго Духа и твое
 святое заступление, во веки веков. Аминь.

Тропарь, глас 4

Из млада явился еси, богомудре княже
 Гаврииле, божественный сосуд, избран Бо-
 гови, благочестием воспитан, веру непороч-
 ну соблюди и многия святых церкви устроив,
 изгвание претерпел еси от своих, якоже и

целомудрии прародители твои от брата убие-
ние, с нимиже, предстоя Святей Троице, мо-
лися, державы Российския начальником
сохраненным быти, и всем нам спастися
(11/24 февраля).

Кондак, глас 8

Многомудренно преселився во град Псков,
блаженне княже Гаврииле, плод благий
Богови в жизни сей был еси, приснопцветущ
добродетельми, и якоже Давид незлобием,
того ради получил еси жизнь вечную на
Небесех. Всегда зря Святую Троицу, моли
избавитися нам от всяких бед, да зовем ти:
радуйся, утверждение граду нашему.

Молитва

Величаем тя, благоверный княже Гав-
рииле, и чтим святую память твою, ты бо
молиши за нас Христа Бога нашего.

Гавриил, Архангел

(26 марта/8 апреля; 13/26 июля; 8/21 ноября)

*По мнению богомудрых мужей, Архангел
Гавриил был послан для подкрепления Спа-
сителя в Гефсиманском саду и для возведе-
ния Богоматери Ее всечестного Успения.*

Посему Церковь именует его служителем чудес и служителем тайн Божиих, возвестителем радости и спасения. Святые Архангелы наши покровители.

Молитва

О, святой Архангеле Божий Гаврииле, присно предстояй Престолу Всевышняго, прерадостный благовестниче и усердный споспешниче нашего спасения! С свойственным тебе милосердием прими сие хвалебное пение, от нас недостойных тебе приносимое. Исправь молитвы наша и принеси я, яко фимиам, на Небесный Олтарь кадильный; озари умы наша светом познания тайн спасительных веры нашей; воспламени сердца наша любовью ко Христу Спасителю нашему, обрати и укрепи желания наша на спасительный путь евангельских Его заповедей; да в сем веце тихо и благочестно проживем во славу Божию, в будущем же не лишимся вечнаго Царствия Божия, еже получитьи да сподобимся благодатию Христа Бога нашего, ходатайством Пречистой Его Матере, Пренепорочныя Девы Марии, и твоими многомоющими ко Господу Богу о нас молитвами, и да прославим с тобою и прочими безплотными Силами Небесными и всеми святыми Единого в Троице славимаго Бога, Отца и Сына

и Святаго Духа, ныне и присно и во веки веков. Аминь.

Тропарь, глас 4

Небесных воинств архистратиге, молим тя присно мы недостойнии, да твоими молитвами оградити нас кровом крил невещественныя твоея славы, сохраняя нас, припадающих прилежно и вопиющих: от бед избави нас яко чиновначальник Вышних Сил.

Кондак, глас 2

На Небесех зря Божию славу и на земли с высоты подая благодать, начальниче Ангелов, мудре Гаврииле, Божия славы служителю и мира Божественный поборниче, спасай, соблюдай вопиющия ти: сам буди помощник, и никтоже на ны (13/26 июля; собор Архангела Гавриила).

Галактион Вологодский, преподобномученик

(1612; 24 сентября/7 октября)

Преподобномученику Галактиону Вологодскому молятся об избавлении от нашествия

Молитва

О, преподобне и богоблаженне отче наш Галактионе, крепкое страны нашей ограждение, христиан православных поборниче и теплый за нас грешных ко Всемилоостивому Богу нашему Иисусу Христу и Пречистей Матери Его, Владычице нашей Богородице и Приснодеве Марии молитвенниче!

Умиленно молимся тебе, преподобне, не забуди нас, грешных и недостойных рабов твоих, но яко заступник и ходатай усердный, призри милостивно на немощь нашу и испроси молитвами твоими у Христа Бога нашего, да освятит благодатью Своею души и телеса наша, ум наш просветит светом благоразумия, совесть нашу очистит от мертвых дел, от греховных помышлений и губительнаго уныния, и дарует нам искреннее покаяние, сердцу сокрушение, слезы и умиление, воздержание и трезвость, смиренномудрие и кротость, чистоту душевную и телесную, ницелюбие и страннoлюбие, и друг ко другу нелицемерную любовь.

О, всеблаженне отче Галактионе, сподоби нас шествовати путем спасения, да твоими молитвами Преблагий Христос Бог наш покажет на нас грешных благодать и милость Свою, и от всяческих зол и будущаго мучения нас свободит, и сподобит наслед-


ником быти Царствия Своего Небеснаго, славящих и величающих Его купно со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 5

Днесь град Вологда тобою всемирне хвалится, возсиял бо еси пресветло яко солнце и чудеса твоими град и веси, преподобне Галактионе, озарил еси. И ныне молися Господеви избавитися душам нашим от прелести вражия и спастися граду нашему от поганскаго и всех противных наития, и испроси у Христа Бога любовь чутшим тя прегрешений прощения и просящим твоя помощи от всякия скорби избавление, и вопиющим к тебе: Бог наш с нами, прославивый угодника Своего, якоже благоволи.

Кондак, глас 4

Благочестно на земле пожив и мучения венец приял еси, пречестне, древом во главу от нашедших градоразорителей убиен еси, добрый ученик Спаса Христа, оставив отечественный свой град и други странствовать любви ради Христовы евангельски изволил еси. Сего ради ты почитаем, песньми вопиюще: от бед избави нас присно молитвами твоими, угодниче Божий Галактионе, отче наш.



Величание

Ублажаем тя, преподобномучениче Галактионе, и чтим святую память твою, наставниче монахов и собеседниче Ангелов.

Георгий Победоносец, великомученик

(303; 23 апреля/6 мая; 3/16 ноября;
10/23 ноября; 26 ноября/9 декабря)

Великомученику Георгию Победоносцу молятся о покровительстве православным воинам и армии, трону и государству, о спасении и сохранении России, о благосостоянии скота, о сохранении на полях стад от нападения хищников. Ему также молятся и о покровительстве пастухам и перед выгоном скота в первый раз в поле, а также об избавлении от скорби, о возвращении потерянных детей, об укрощении диких зверей и защите от них.

Молитва

Святой, славный и всехвальный великомучениче Христов Георгие! Собранный во храм твоем и пред иконою твоею святою поклоняющийся людие, молим тя, известный желания нашего ходатаю: моли с нами и о нас умоляемого от Своего благосердия

Бога, да милостивно услышит нас, просящих Его благостию, и не оставит вся наша ко спасению и житию нуждая прошения, и дарует державе нашей победы на сопротивных, да укрепит же данною тебе благодатию во бранех православное воинство, и силы возстающих враг наших да низложит, да постыдятся и посрамятся, и дерзость их да сокрушится, и да уведят, яко мы имамы Божественную помощь: и всем в скорби и обстоянии сущим многомощное яви твое заступление. Умоли Господа Бога, всея твари Создателя, избавити нас от вечнаго мучения, да всегда прославляем Отца и Сына и Святаго Духа, и твое исповедуем предстательство, ныне и присно и во веки веков. Аминь.

Тропарь, глас 4

Яко пленных свободитель и нищих защититель, немоществующих врач, православных поборниче, Победоносче великомучениче Георгие, моли Христа Бога спастися душам нашим.

Кондак, глас 4

Возделан от Бога, показался еси благочестия делатель честнейший, добродетелей рукояти собрав себе: сеяв бо в слезах, веселием жнеши, страдальчествовах же кровию,

Христа приял еси и молитвами, святе, твоими всем подаеши прегрешений прощение.

Величание

Величаем тя, страстотерпче святыи Георгие, и чтим честная страдания твоя, яже за Христа претерпел еси.

Преподобный Герасим, иже на Иордане (476; 4/17 марта)

Преподобному Герасиму Иорданскому молятся об укрощении диких зверей.

Молитва

Преподобне отче Герасиме! Воззри на нас милостивно и к земли приверженных возведи к высоте небесней. Ты горе на Небеси, мы на земли низу, удалены от тебе, не только местом, елико грехми своими и беззаконии, но к тебе прибегаем и взываем: настави нас ходити путем твоим, вразуми и руководствуй. Вся твоя святая жизнь бысть зеркалом всякия добродетели. Не престани, угодниче Божий, о нас воия ко Господу. Испроси предстательством своим у Всемилоstitаго Бога нашего мир Церкви Его, под знаменiem креста воинствующей, согласие в вере и

единомудрие, суемудрия же и расколов истребление, утверждение во благих делах, больным исцеление, печальным утешение, обиженным заступление, бедствующим помощь. Не посрами нас, к тебе с верою притекающих. Все православнии христиане, твоими чудесы исполненнии и милостями облагодетельствованнии, исповедуют тя быти своего покровителя и заступника. Яви древния милости твоя, и ихже отцем всепомоществовал еси, не отрини и нас, чадо их, стопами их к тебе шествующих. Предстояще всечестней иконе твоей, яко тебе живу сузду, припадаем и молимся: прими моления наша и вознеси их на жертвенник благоутробия Божия, да примем тобою благодать и благовременную в нуждах наших помощь. Укрепи наше малодушие и утверди нас в вере, да несомненно уповаем получитьи вся благая от благосердия Владыки молитвами твоими. О, превеликий угодниче Божий! Всем нам, с верою притекающим к тебе, помози предстательством твоим ко Господу, и всех нас управи в мире и покаянии скончати живот наш и преселитися со упованием в блаженныя недра Авраамова, идеже ты радостно во трудах и подвизах ныне почи- ваеши, прославляя со всеми святыми Бога, в Троице славимаго, Отца и Сына и Святаго Духа, ныне и присно и во веки веков. Аминь.

**Тропарь,
глас 4**

Боже отец наших, творяй присно с нами по Твоей кротости, не отстави милость Твою от нас, но молитвами их в мире управи живот наш.

Кондак, глас 4

Возгоревся рачением горним, жесткость пустыни Иордановы паче всех мира сладких предпочел еси; отонудуже повинувся тебе зверь даже до смерти, отче, послушне и жалостне на гробе твоем скончася, прославляшу тя тако Богу, к Немуже моляся, и о нас, отче Герасиме, поминай.

Псалом

Ублажаем тя, преподобне отче Герасиме, и чтим святую память твою, наставниче монахов и собеседниче Ангелов.

**Григорий Богослов,
архиепископ Константинопольский,
святитель**

(389; 25 января/7 февраля)

**Святителю Григорию Богослову молятся о
получении благополучного жития.**

Молитва

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Григорие! Предстоя у Престола всех Царя и наслаждаясь света Единосущныя Троицы и херувимски со Ангелы возглашая песнь трисвятую, великое и неизследованное дерзновение имея ко Всемилостивому Владыце, молися паствы Христовы спасти людей, благостояние святых церквей утверди, архиереи благолепием святительства украси, монашествующих к подвигам добраго течения укрепи, царствующий град и вся грады и страны добре сохрани, и веру святую непорочну соблюсти умоли, мир весь умири, от глада и пагубы избави ны, и от нападения иноплемennых сохрани, старыя утеши, юныя настави, безумныя умудри, вдовицы помилуй, сироты заступи, младенцы возрасти, плененныя возврати, немоществующия исцели, и везде тепле призывающих тя и с верою притекающих к тебе и усердно припадающих и молящихся от всяких напастей и бед ходатайством твоим свободи. Моли о нас Всещедраго и Человеколюбиваго Христа Бога нашего, да и в день страшнаго пришествия Его иужнаго стояния избавит нас, и радости святых причастники сотворит со всеми святыми во веки. Аминь.

Тропарь, глас 1

Пастырская свирель богословия твоего
риторов победи трубы, якоже бо глубины
духа изыскавшу, и доброты вещания при-
ложишася тебе. Но моли Христа Бога, отче
Григорие, спастися душам нашим.

Кондак, глас 3

Богословным языком твоим сплетения
риторская разрушивый, славне, Правосла-
вия одеждею, свыше истканною, Церковь
украсил еси, юже и носящи, с нами зовет
твоими чады: радуйся, отче, богословия
уме крайнейший.

Псалом

Величаем тя, святителю отче Григорие,
и чтим святую память твою, ты бо молиши
за нас Христа Бога нашего.



Гурий, архиепископ Казанский, святитель

(1563; 5/18 декабря; 20 июня/3 июля,
4/17 октября)

*Святителю Гурию, архиепископу Казанско-
му, молятся об избавлении от головной боли
и об исцелении от глазных болезней.*

Молитва

Святителю отче Гурие! Предстояще священной раце многоцелебных мощей твоих, молим тя усердно быти всегда и везде нашим ходатаем, заступником и покровителем. Исходатайствуй пастве твоей мир, тишину, благоденствие, здравие и ~~счастливую~~

Буди постоянным нашим заступником от всех врагов, видимых и невидимых; покрывай нас от нахождения всех бед, напастей и скорбей, паче же от искушений врага темнаго. Предстоящим же zde и молящимся испроси у Господа Бога вся, яже ко спасению своему ти просят у Него в своих нуждах и скорбех, да вси мы с тобою прославляем всесвятое имя Отца и Сына и Святаго Духа, ныне и присно и во веки веков. Аминь.

Тропарь, глас 4

Правило веры и образ целомудрия, учителя добрых дел и наставника спасения, даде тя Господь новопросвещенному граду Казани, в немже приобрел еси новыя от язык люди и привел еси я Христови. Сего ради в память твою радостно сошедшеся, честие празднуем святое твое усмение, ты же, отче наш, святителю Христов Гурие, моли Христа Бога спастися душам нашим.

Кондак, глас 6

Истины основание и веры утверждение
и в поучениях прензязцаго свемы ты бла-
гочестию споспешника, апостолом сопре-
стольника, страсготерицем сопричастника,
постником купноревнителя, похваляем тя,
Гурие святителю, и велия таинника Божия
благодати.

Величание

Величаем тя, святителю отче Гурие, и
чтим святую память твою, ты бо молиши
за нас Христа Бога нашего.



Гурий, Самон, Авив, мученики и исповедники

(806-822; 15/28 ноября)

*Мученикам и исповедникам Гурию, Самону
и Авиву молятся о покровительстве семей-
ному очагу, о добрых отношениях в семье.*

Молитва

О, преславнии мученицы Гурие, Самоне
и Авиве! К вам, яко скорым помощником и
теплым молитвенником, мы, немощнии и
недостойнии, прибегаем, усердно моляще:
не презрите ны, во многая беззакония впад-

шая и по вся дни и часы согрешающия, наставите на путь правый заблудшия, исцелите страждущия и скорбящия, соблюдите ны в непорочном и целомудреннем житии: и якоже древле, тако и ныне покровителие супружеств пребудите, в любви и единомыслии сия утверждающе и от всех злых и бедственных обстояний избавляюще. Защитите, о многомощнии исповедницы, вся православныя христианы от напастей, злых человек и козней демонских; оградите я от нечаянныя смерти, умоляюще Всеблагаго Господа, да великия и богатыя милости нам, смиренным рабом Своим, пробавит. Несмы бо достойни нечистыми устнами призывать великолепое имя Создателя нашего, аще не вы, святии мученицы, за ны ходатаи будете; сего ради к вам прибегаем и предстательства вашего пред Господом о нас просим. Такожде избавите нас от глада, потопа, огня, меча, нашествия иноплемennых, междоусобных брани, смертоносных язвы и всякаго душепагубнаго обстояния. Ей, страстотерпицы Христовы, устройте нам, молитвами вашими, вся благая и полезная, да благочестно житие временное прешедше и кончину непостыдну стяжавше, удостоимся теплым заступлением вашим со всеми святыми одесную Правосуднаго Бога Судии стати и

Того непрестанно славить со Отцем и Святым Духом во веки веков. Аминь.

Тропарь, глас 5

Чудеса святых Твоих мученик, стену небориму, нам даровавший, Христе Боже, тех молитвами советы языков разори, Церковь Святую укрепи, яко един Благ и Человеколюбец.

Кондак, глас 2

С высоты, мудрии, благодать приемше, сущим во искушениих предстоите, всехвальнии. Темже отроковицу, святца, от смерти горькия избависте, вы бо воистинну есте Едесу слава и миру радость.

Величание

Величаем вас, страстотерпцы святии Гурие, Самоне и Авиве, и чтим честная страдания ваша, яже за Христа претерпели есте.



Димитрий, митрополит Ростовский, святитель

*(1709; 28 октября/10 ноября;
21 сентября/4 октября; 23 мая/5 июня)*

*Святителю Димитрию Ростовскому мо-
лятся о заступничестве вдовам и сиротам,*

о состраданнии к нищим и беззащитным, о помощи в бедности и нужде, о помощи страдальцам, изнемогающим грудной болезнью (свт. Димитрий сам изнемогал и умер от этой болезни).

Молитва

О, преблаженне святителю Димитрие, великий угодниче Христов, Златоусте Российский! Услыши нас грешных, молящихся тебе, и принеси молитву нашу к Милостивому Человеколюбцу Богу, Ему же ты ныне в радости святых и с лики Ангел предстоиши. Умоли Его благоутробие, да не осудит нас по беззакониям нашим, но да сотворит с нами по милости Своей. Испроси нам у Христа Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от Щедраго Бога, но во славу Его и в прославление твоего заступления. Даруй нам богоугодно перейти поприще временныя жизни; избави нас воздушных мытарств и настави на путь, ведущий в селения праведных, идеже празднующих глас непрестанный, зрящих Божия лица неизреченную доброту; Церковь Святую от ересей и расколов сохрани, верных укрепи, заблуждающих обрати и

всем даруй вся, яже ко спасению и славе Божией подобающая, Отечество твое сохрани от врагов ненаветно. И подаждь нам всем твое архипастырское святое благословение, да оным осеняеми, избавимся от козней лукаваго, избегнем всякия беды и напасти. Услыши моление наше, отче Димитрие, и моли непрестанно о нас Всесильнаго Бога, славимаго и покланяемаго в Трех Ипостасех, Емуже подобает всякая слава, честь и держава во веки веков. Аминь.

Тропарь, глас 8

Православия ревнителю и раскола искоренителю, российский целебниче и новый к Богу молитвенниче, списанными твоими бунх уцеломудрил еси, цевнице духовная, Димитрие блаженне, моли Христа Бога спастися душам нашим.

Кондак, глас 8

Звезду российскую, от Киева возсиявшую, и чрез Новград Северский в Ростов достигшую, всю же страну сию ученьми и чудесы озарившую, ублажим златословеснаго Димитрия: той бо всем вся написа, яже к наставлению, да всех приобрящет, якоже Павел Христу, и спасет правоверием души наша.

Величание

Величаем тя, святителю отче Димитрие,
и чтим святую память твою, ты бо молиши
за нас Христа Бога нашего.

Димитрий Солунский, Мироточивый, великомученик

(ок. 306; 26 октября/8 ноября)

*Великомученику Димитрию Солунскому
молятся о прозрении очей, о докровитель-
стве православным воинам и армии, о за-
щите от нашествия иноплемennых и ино-
верных.*

Молитва

Святой и славный великомучениче
Христов Димитрие, скорый помощниче и
теплый заступниче с верою притекающих
к тебе! Предстоя со дерзновением Небесно-
му Царю, испроси у Него прощение согре-
шений наших, и еже избавитися нам от
всегубительных язвы, труса, потопа, огня,
меча и вечныя казни. Моли благость Его,
еже ущедрити град сей, обитель сию и вся-
кую страну христианскую. Исходатайст-
вуй у Царя царствующих на враги победу и

одоление благочестивому императору нашему, всей же державе его мир, тишину, твердость в вере и преспеяние во благочестии; нам же, чтущим честную память твою, испроси благодатное укрепление на дела благая, да, благоугодное Владыце нашему Христу Богу zde творяще, сподобимся молитвами твоими наследовати Царствие Небесное для вечнаго прославления Его со Отцем и Святым Духом. Аминь.

Тропарь, глас 3

Велика обрете в бедах тя поборника все-
ленных, страсотерпче, языки побеждающа.
Якоже убо Лиеву низложил еси гордыню,
на подвиг дерзновенна сотворив Нестора,
так, святе Димитрие, Христу Богу молися,
даровати нам велию милость.

Кондак, глас 2

Кровей твоих струями, Димитрие, Цер-
ковь Бог обagri, давший тебе крепость непо-
бедимую и соблюдая град твой невредим;
того бо еси утверждение.

Величание

Величаем тя, страсотерпче святой Ди-
митрие, и чтим честная страдания твоя,
яже за Христа претерпел еси.

Димитрий Угличский и Московский, благочестивый царевиц

(1591; 15/28 мая; 3/16 июня;
23 мая/5 июня)

Благочестивому царевицу Московскому и Угличскому Димитрию молятся о прозрении слепых очей.

Молитва

О, святой мучениче, благочестивый царевицу и княже Димитрие!

Яко агнец незлобив от раба заколенный, венцем царским от Господа венчался еси, и сын царев быв, мученик непобедим явился еси, и вместо земных и тленных на Небеси нетленное восприял еси. И ныне предстои в радости Святей Троице, посещай творящия верно твою светносную память: соблюдай отечество твое и град твой невредим, тому бо еси утверждение: утверди православных жительство в мире глубоце: междоусобную брань укроти: и вся полезная даруй всегда людям твоим молитвами твоими, да верою и любовию вопием ти: радуйся, святе Димитрие, верных людей теплый заступниче и прибежище и земли Российския украшение. Аминь.

**Тропарь,
глас 4**

Царскую диадиму обагрил еси кровию твоею, богомудре мучениче, за скиптр Крест в руку прием, явился еси победоносец и жертву непорочну Владыце принесл еси себе: яко бо агнец незлобив, от раба заколен еси. И ныне, радуясь, предстоиши Святей Троице, молися о державе сродников твоих богоугодней быти и сыновом российским спастися *(15/28 мая)*.

**Кондак,
глас 8**

Возсия днесь в славней памяти твоей верным веселие яко бо доброраслеянный грезн прозябл еси и Христу красен плод принесл еси себе; темже и по убиении твоём соблюди тело твое нетленно, страдальчески обагренное кровию. Благородне святе Димитрие, соблюдай отечество твое и град твой невредим, тому бо еси утверждение *(15/28 мая)*.

Величание

Величаем тя, святой благоверный царе-вiche Димитрие, и чтим святую память твою, ты бо молиши за нас Христа Бога нашего.

Евангелисты

Святым апостолам евангелистам Иоанну Богослову, Луке, Марку, Матфею молятся о добрых отношениях в семье, о совете и любви между мужем и женой.

•

Иоанн Богослов

*(98–117; 8/21 мая; 26 сентября/9 октября;
30 июня/13 июля)*

Молитва

О, великий и всехвальный апостоле и евангелисте Иоанне Богослове, наперснике Христов, теплый наш заступниче и скорый в скорбех помощниче! Умоли Господа Бога даровати нам оставление всех прегрешений наших, елико согрешихом от юности нашея во всем житии нашем делом, словом, помышлением и всеми нашими чувствы. Во исходе же душ наших помози нам, грешным, избавитися от воздушных мытарств и вечного мучения, да твоим милостивным предстательством прославляем Отца и Сына и Святаго Духа, ныне и присно и во веки веков. Аминь.

Тропарь, глас 2

Апостоле, Христу Богу возлюбленне,
ускори избавити люди безответныя, при-
емлет тя припадающа, Иже падша на пер-
си приемый. Егоже моли, Богослове, и на-
дежащую мглу языков разгнати, прося нам
мира и велия милости.

Кондак, глас 2

Величия твоя, девственнице, кто повесть?
Точиши бо чудеса и изливаеши исцеления,
и молишися о душах наших, яко Богослов
и друг Христов.

Величание

Величаем тя, апостоле Христов и еван-
гелисте Иоанне Богослове, и чтим болезни
и труды твои, имиже трудился еси во бла-
говести Христове.

•

Лука

(1; 18/31 октября; 22 апреля/5 мая;
4/17 января)

Молитва

О, святой угодниче Божий, апостоле
Луко! Подвигом добрым подвизався на зем-
ли, восприял еси на Небесех венец правды,
егоже уготовал есть Господь всем любящим
Его. Темже взирающе на святой твой об-
раз, радуемся о преславнем скончании жи-

тельства твоего и чтем святую память твою. Ты же, предстоя Престолу Божию, прими моления наша и ко Всемилостивому Богу принеси, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякаго зла, благочестно и праведно поживем в нынешнем веце и сподобимся предстательством твоим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Тропарь, глас 5

Апостольских деяний сказателя, и Евангелия Христова светла писателя, Луку препетаго, славна суща Христове Церкви, песньми священными святаго апостола похвалим, яко врача суща, человеческия немощи, естества недуги и язвы душ исцеляюща, и молящася непрестанно за души
Всехъ.

Кондак, глас 2

Истиннаго благочестия проповедника и таин неизреченных риторика, звезду церковную, Луку божественнаго восхваляем: Слово бо его избра, с Павлом мудрым языков учителя, Един ведый сердечная.

Величание

Величаем тя, апостоле Христов и евангелисте Луко, и чтим болезни и труды твоя, имиже трудился еси во благовестии Христове.

•

Марк

(63; 25 апреля/8 мая; 4/17 января)

Молитва

О, преславный апостоле Марко, душу за Христа предавший и кровию твоею пажить Его удобивший! Услышь чад твоих молитвы и воздыхания, сердцем сокрушенным ныне приносимыя. Се бо беззаконными омрачихомся, и того ради бедами, якоже тучами, обложихомся, елеа же добраго жития обнищавом зело, и не возможем противитися волком хищным, яже расхищати наследие Божие дерзостно тщатся. О, сильный! Понеси немощи наша, не отлучайся духом от нас, да не разлучимся в конец от любве Божия, но крепким заступлением твоим нас защити, да помилует Господь всех нас молитв твоих ради, да истребит же рукописание безмерных грехов наших, и да сподобит со всеми святыми блаженнаго Царствия и брака Агнца Своего, Емуже честь и слава, и благодарение и поклонение, во веки веков. Аминь.

Тропарь, глас 3

Апостоле святыи и евангелисте Марко,
моли Милостиваго Бога, да прегрешений
оставление подаст душам нашим.

Кондак, глас 2

С высоты прием благодать Духа, ритор-
ская плетения разрушил еси, апостоле, и,
языки вся уловив, Марко всеславне, твоему
Владыце привел еси, божественное пропо-
ведав Евангелие.

Величание

Величаем тя, апостоле Христов и еван-
гелисте Марко, и чтим болезни и труды
твоя, имиже трудился еси во благовестии
Христове.


•

Матфей

(60; 16/29 ноября; 30 июня/13 июля)

Молитва

О, преславный апостоле Матфее, душу
за Христа предавший и кровию твоею па-
жить Его удобивший! Услышь чад твоих
молитвы и воздыхания, сердцем сокрушен-
ным ныне приносимыя. Се бо беззаконными
омрачихомся, и того ради бедами, якоже
тучами, обложихомся, елика же добраго
жития обвиняхом зело, и не возможем



противитися волком хищным, иже расхищати наследие Божие дерзостно тщатся. О, сильный! Понеси немощи наша, не отлучайся духом от нас, да не разлучимся в конец от любви Божия, но крепким заступлением твоим нас защити, да помилует Господь всех нас молитв твоих ради, да истребит же рукописание безмерных грехов наших, и да сподобит со всеми Святыми блаженнаго Царствия и брака Агнца Своего, Ему же честь и слава, и благодарение и поклонение, во веки веков. Аминь.

Тропарь, глас 3

Усердно от мытницы к звавшему Владыце Христу, явльшуся на земли человеком за благость, Тому последовав, апостол избранный явился еси и благовестник Евангелия вселенней велегласен. Сего ради чтим честную память твою, Матфее богоглаголиве, моли милостиваго Бога, да грехов оставление подаст душам нашим.

Кондак, глас 4

Мытарства иго отверг, правды игу притяглся еси и явился еси купец всеизряднейший, богатство принес, юже с высоты премудрость. Отонудуже проповедал еси Истины слово и унылых подвигл еси души, написав час судный.

Величание

Величаем тя, апостоле Христов и евангелисте Матфее, и чтим болезни и труды твоя, имиже трудился еси во благовестии Христове.

**Евдокия, княгиня Московская,
нареченная в иночестве Евфросиния,
преподобная**

(1407; 7/20 июля и 17/30 мая)

*Преподобной Евдокии, княгине Московской,
молятся о прозрении очей и от паралича.*

Молитва

О, преподобная княгине Евфросиние, добляя в женах подвижнице, прехвальная угоднице Христова! Приними моление о нас недостойных, с верою и любовью к раце мощей твоих припадающих, и твоим теплым к Богу ходатайством испроси граду твоему и людям от бед и напастей сохранение, обители тобою созданной утверждение и благоспешение; подвизающимся же во обители твоей споспешествуй, яко во благодушии и терпении понести и ко исправлению жития своего добре подвизаться; в мире благочестно живущим испроси у Господа в вере

твердость, во благочестии преуспевание, и всем, с верою прибегающим к тебе и твоея просящим помощи и заступления, подавай всегда недугов исцеление, в скорбех утешение и во всем житии благопоспешение; наипаче же умоли Господа в мире и покаянии земное житие перейти нам, от мытарств же горьких и мук вечных избавитися и Царство Небесное твоим ходатайством получитьи, идеже ты со всеми святыми Господу предстоиши, да славим Отца и Сына и Святаго Духа, ныне и присно и во веки веков. Аминь.

Тропарь, глас 8

По земнем вдовстве Небесному Жениху себе уневестивши и в княжестем чертозе подвижнически поживши, послежде и чертог, и чад твоих Бога ради оставила еси, преподобная Евфросиние, и, вшедше во обитель, тобою созданную, и в иночестем образе многи подвиги показала еси, и святое твое житие по благодати Божией блаженною кончиною увенчала еси. И ныне предстоиши Христу Богу, моли спастися душам нашим.

Кондак, глас 2

Вся красная мира сего, яко суетная, презревши и тело твое постом и бдением изнуривши, непрестанными молитвами Богу

угодила еси, преподобная Евфросиние, и, дар исцелений от Него прияти сподобльшися, слепому прозрение и многим недужным исцеление даровала еси. Темже радостно зываем, глаголюще: слава Богу, прославляющему святых Своя.

Величание

Ублажаем тя, преподобная мати Евфросиние, и чтим святую память твою, ты бо молиши за нас Христа Бога нашего.



**Евстратий, Авксентий,
Евгений, Мардарий и Орест,**

мученики

(284-305; 13/26 декабря)

Мученикам Евстратию, Авксентию, Евгению, Мардарию и Оресту молятся о помощи в бедности и нужде.

Молитва

Святые страстотерпцы пяточисленные, теплые молитвенники о душах наших, видя наши беды и напасти, скорби, нужды и злключения, помогите нам, славные страдалцы, с верою и любовью почитающим вас. Аминь.

Тропарь, глас 4

Мученик всечестных светлость, пято-
численных страстотерпцев воспоем, славу
земных презревших, солнца светлаго Евстра-
тия, премудраго витию со страдальцы, на
огнь и муки дерзнувших за всех Царя
Христа и от Престола Того славы почесть-
ми венцев обдаренных. Тех молитвами,
Христе Боже, спаси души наша.

Кондак, глас 8

Светильницы светлии явльшеся, боже-
ственным мученицы, тварь всю светлостию
чудес озаряете, недуги разрешающе, и глу-
бокую тьму всегда отгоняюще, Христу Богу
молящеся непрестанно о всех нас.

Вспоминание

Величаем вас, страстотерпцы святии
Евстратие, Авксентие, Евгение, Мардарие и
Оресте, и чтим честная страдания ваша,
яже за Христа претерпели есте.

**Евфимий Новгородский,
святитель, чудотворец
(1458; 11/24 марта)**

*Святителю Евфимию Новгородскому молятся
об избавлении от плотской (блудной) страсти.*

Молитва

Отче святителю Евфимие! Ты от юности твоея Христа возлюбил еси, и, благодатию Его укрепляемъ, вся плотская мудрования умертвил еси, чистым же житием и кротким нравом Госнодеви угодил еси, и по благодати Его на престоле святительства подвизаяся, явился еси, пастве Христове Великаго Новаграда пастырь добрый, душу твою о стаде твоем полагая. Темже и по смерти твоей прослави тя Пастыреначальник Христос подаванием чудес, от тебе истекающих, образ добродетельнаго жития в тебе нам показуя. Темже и аз грешный и унылый, к раце мощей твоих припадаю, молюся тебе усердно: даждь ми руку помощи, воздвигни мя молитвами твоими из глубины греховныя: се бо волнами страстей плотских и иными тьмочисленными житейскими треволнени обуреваюся и погибаю. Буди убо мне, многогрешному, теплый ко Христу предстатель и молитвенник, да и аз, от потопления греховнаго избавлен, ко пристанищу непорочнаго жития благодатию Христовою достигну и чистым житием прославлю Спасителя моего, кровию Своею мене искупившаго: и, тако житие скончав, получу живот вечный во Царствии Небеснем, идеже славится пречестное и великолепое имя Отца и Сына и Святаго

Духа, ныне и присно и во веки веков.
Аминь.

**Тропарь,
глас 4**

Избран быв Богови от юности, святителю Евфимие, и сего ради архиерейства саном почтен быв, утешил еси люди, иже тебе Богом врученныя; темже и по преставлении чудес дарования от Господа приял еси, исцеляти различные недуги. Того моли о нас, совершающих честную память твою, да тебе вси непрестанно ублажаем.

**Кондак,
глас 8**

Яко архиереем сопредстольник и святителем изрядный поборник был еси, святителю Евфимие, не престай сохраняя отечество твое, град же и люди, иже тебе верою почитающия и честным мощем твоим покланяющияся, да велегласно тебе вси вопием: радуйся, святителю богомудре!

Величание

Величаем тя, святителю отче Евфимие, и чтим святую память твою, ты бо молиши за нас Христа Бога нашего.

**Елисавета, великая княгиня,
преподобномученица**

(1918; 5/18 июля;

в воскресенье после 25 января новомуч.)

Преподобномученице великой княгине Елисавете молятся о помощи в делах милосердия.

Молитва

О, святая новомученицы Российския, великая княгине Елисавето и сестро ея крестовая, пречестная инокине Варваро, купно путь свой во многех муках скончавшая, евангельския заповеди делом во обители милосердия совершившая, веры ради православныя подвижающися до смерти в последняя времена сия, и добрый плод в терпении страстей Христу принесшия! Молитесь Ему, яко Победителю смерти, да утвердит Церковь Русскую Православную и отечество наше, кровию и страданиями новомучеников искупленная, и не даст в расхищение врагом России достояния нашего. Се бо лукавый враг вооружися на ны, хотя нас погубити в междоусобных бранех, скорбех, нестерпимых печалех, болезнях, нуждах и бедах лютых. Умолите Господа низложить вся немощныя дерзости их; веру в сердцах людей российских укрепите,

да егда найдет на ны испытания час, мужества дар восприимем вашими молитвами, отвергшися себе и взявше крест свой, последуем Христу, распинающе плоть свою со страстьми и похотьми. Сохраните нас от всякого зла, освятите пути жизни нашея, даруйте покаяние нелицемерное, тишину и мир душам нашим, испросите у Господа всем нам мытарств горьких и вечныя муки избавитися и Небесному Царствию наследники быти со всеми святыми, от века угодившими Богу, да радующеся воздадим хвалу, честь и поклонение Отцу и Сыну и Святому Духу во веки веков. Аминь.

Тропарь, глас 1

Смирением достоинство княжеское сокрывши, богомудрая Елисавето, сугубым служением Марфы и Марии Христа почитала еси. Милосердием, терпением и любовию себе предпочистивши, яко жертва праведная Богу принеслася еси. Мы же, чтущие добродетельное житие и страдания твоя, яко истинную наставницу усердно просим тя: святая мученице великая княгини Елисавето, моли Христа Бога спасти и просветити души наша.

Кондак, глас 2

Величие подвига веры кто повесть? Во глубине земли, яко в рай светлости, страсто-

терпица великая княгиня Елисавета со Ангелы во псалмех и пениих радовашеся и, убиение претерпеваючи, о безбожных мучителях взываше: Господи, прости им грех сей, не ведят бо, что творят. Тоя молитвами, Христе Боже, помилуй и спаси души наша.

Величание

Величаем тя, страстотерпице святая великая княгине Елисавето, и чтим святую память твою, ты бо молиши за нас Христа Бога нашего.

Екатерина, великомученица

(305–313; 24 ноября/7 декабря)

Великомученице Екатерине молятся при трудных родах, о хороших женихах, о просвещении разума к изучению духовной грамоты, во время грома или града.

Молитва

О, святая великомученице Екатерино, избранный чистоты сосуде, столпе православия, надежная предстательнице наша, явившая нам саму вину умолити тя, подвижнице законная, святая на святей горе свято почивающая! Молим тя: приими

свыше, вонми гласу моления нашего, при-
зри на бедствие рабов твоих, просвети ом-
рачение ума нашего, сотвори нас горная
мудрствовать, а не земная. Поспеси нам
молитвами твоими, побеждати плотская
похотения, пристрастия к миру и козни
злых духов, на нас злобно воюющих: да
твоим предстательством во дни жития сего
свободни будем от враждебных их истяза-
ний. О, премудрая дево! Даруй нам вся,
яже к пользе прошения: можеша бо мно-
гая испросити у возлюбленного Жениха,
Христа Бога нашего. Мы ведем, яко много
может молитва праведнаго, поспешествуе-
мая благоутробием Милосердаго Бога, Емуже
слава, честь и благодарение, всегда, ныне
и присно и во веки веков. Аминь.

Тропарь, глас 4

Добродетельми, яко лучами солнечны-
ми, просветила еси неверных мудрецы: и
якоже пресветлая луна ходящим в нощи,
неверия тьму отгнала еси, и царицу увери-
ла еси, вкупе же и мучителя обличила еси,
богозванная невесто, блаженная Екате-
рино: желанием востекла еси в Небесный чер-
тог, к прекрасному Жениху Христу, и от
Него царским венцем венчалася еси: Ему-
же со Ангелы предстоящи, за ны молися,
творящая пречестную память твою.

Кондак, глас 2

Лик честный божественне, мученико-любцы, воздвигните ныне, почитающе всемудрую Екатерину, сия бо в тризнице Христа проповеда и змия попра, риторов разумом укротивши.

Величание

Величаем тя, страстотерпице Христова Екатерино, и чтим честное страдание твое, еже за Христа претерпела еси.

Елена,
равноапостольная, царица
(827; 21 мая/3 июня; 6/19 марта)

На Руси равноапостольных царей Константина и его мать Елену почитают как покровителей льноводства. Благоверной царице Елене молятся о покровительстве посевам и о плодородии.

Молитва

О, предивнии и всехвальнии царие, святии равноапостольнии Константине и Елено! К вам, теплым заступником, возносим наши недостойныя молитвы, яко велие имате дерзновение ко Господу. Испросите у Него

мир Церкви и всему миру благоденствие, начальником мудрость, вастырем попечение о пастве, пасомым смирение, старцем желанное упокоение, мужем крепость, женам благолешие, девственником чистоту, детем послушание, младенцем христианское воспитание, больным исцеление, враждующим примирение, обидимым терпение, обидящим страх Божий. Приходящим в храм сей и молящимся в нем святое благословение и всем вся по коегождо прощению полезная, да хвалим и поем Благодетеля всех Бога в Троице славимаго Отца и Сына и Святаго Духа, ныне и присно и во веки веков. Аминь.

Тропарь, глас 8

Креста Твоего образ на Небеси видов, и якоже Павел звание не от человек прием, во царех апостол Твой, Господи, царствующий град в руке Твоей положи: егоже спасай всегда в мире, молитвами Богородицы, Едине Человеколюбче.

Кондак, глас 3

Константин днесь, с матерію Еленою, Крест являют всечестное древо, всех убо иудеов посрамление суще, оружие же на противныя верных царей: нас бо ради явися знамение велие и во бранех грозное.

Величание

Величаем вас, святии благовернии и равноапостольнии царице Константине и Елено, и чтим святую память вашу, вы бо святым Крестом всю вселенную просветили есте.

**Ермоген,
патриарх Московский
и всея Руси, чудотворец,
священномученик**

(1612; 12/25 мая; 17 февраля/2 марта;
5/18 октября)

Священномученику Ермогену, патриарху Московскому и всея Руси, молятся об избавлении от нашествия иноплемennых.

Молитва

О, великий угодниче Христов, святителю, отче наш Ермогене! К тебе, молитвеннику теплomu и предстателю пред Богом непостыдному, усердно притекаем, в нуждах и скорбех наших утешения и помощи просяще. В древнюю годину искушений, всегда обышедше обыдоша страну нашу нечестивии врази, Господь яви тя Церкви Своей столпа непоколебима и людем

российским пастыря добра, душу свою за овцы положивша и лютыя волки далече отгнавша. Ныне убо призри и на ны, недостойная чада твоя, умиленною душею и сокрушенным сердцем тебе призывающия. Крепость бо наша в нас оскуде, и вражия ловления и сети обыдоша нас. Помози нам, заступниче наш! Утверди нас в вере святей: научи нас всегда творити заповеди Божия и вся предания церковныя, от отец наших заповеданная. Пастырем нашим буди архипастырь, воином — вождь духовный, болящим — врач, печальным — утешитель, гонимым — заступник, юным — наставник, всем же благосердный отец и за вся теплый молитвенник: яко да молитвами твоими ограждаеми, непрестанно воспоем и прославим всесвятое имя Живоначальныя Троицы, Отца и Сына и Святаго Духа во веки веков. Аминь.

**Тропарь на прославление,
глас 4**

Приспе день светлаго торжества, град Москва радуется, и с ним Русь Православная, ликовствует песньми и пеньми духовными: днесь бо священное торжество в явлении честных и многоцелебных мощей святителя и чудотворца Ермогена, якоже

солнце незаходимое возсия светозарными лучами, разгоняя тьму искушений же и бед от вопиющих верно: спасай нас, яко предстатель наш, великий Ермогене.

**Тропарь на преставление,
глас 4**

Российския земли первопрестольниче и неусыпный о ней к Богу молитвенниче! За веру Христову и паству твою душу свою положив, страну нашу от нечестия избавил еси. Темже вопием ти: спасай нас молитвами твоими, священномучениче Ермогене,
СВЯТЫЙ МОЛИТВОУЩИЙСЯ

Кондак, глас 6

Темницею и голодом изнуряемъ, даже до смерти веревъ пребыл еси, блаженне Ермогене, малодушие от сердец людей твоих отгоняя и на общий подвиг вся призывая. Темже и нечестивых мятеж низложил еси и страну нашу утвердил еси, да вси вопием ти: радуйся, заступниче Российския земли.

Величание

Величаем тя, священномучениче Ермогене, и чтим святую память твою, ты бо молиши за нас Христа Бога нашего.

Зосима и Савватий Соловецкие, преподобные

*(1566; 8/21 августа; 17/30 апреля;
27 сентября/10 октября)*

Преподобным Зосиме и Савватию Соловецким молятся о помощи на море от бури и потопления, а также об успехах в бортничестве (ичеловодстве), перед выставкой пчел.

Молитва

О, преподобнии отцы, велиции заступники и скорнии услышателие молитв, угодницы Божии и чудотворцы Зосимо и Савватие! Не забудьте, яко обещахтесе, посещати чада ваша. Аще бо и отыдосте от нас телом, но духом ярисно с нами пребываете. Молим убо вас, о преподобнии: избавите ны от огня и меча, от нашествия иноплеменников и междоусобных брани, от тлетворных ветров и от внезапныя смерти и от всех прилог бесовских, находящих на ны. Услышите нас грешных и примите молитву сию и моление наше, яко кадило благовонное, яко жертву благоугодную, и души наша, злыми делы и советы и помыслы умерщвленные,

оживите. И якоже умершую отроковицу возстависте, и неисцельныя раны многих исцелисте, и от духов нечистых эле мучимыя избависте, тако и нас, содержащих во узах вражних, изымите и от сетей диавола избавите, из глубины прегрешений изведите и милостивым вашим посещением и ходатайством от враг видимых и невидимых оградите ны, благодатию и силою Пресвятыя Троицы, всегда, ныне и присно и во веки веков. Аминь.

Тропарь, глас 4

Постническое и равноангельское житие ваше, преподобнии отцы Зосимо и Савватие, вселенней познаны сотвори вас, чудоделянии различными, богоноснии, просвещаете верою призывающия вы и чтущия честную память вашу.

Кондак, глас 2

Христовою любовию уязвившеся, преподобнии, и Того крест на рамо взявше, понесли есте, божественне вооружившеся на невидимыя враги, и, непрестанныя молитвы, яко копие в руках, имуще, крепко победили есте бесовския ополчения; благодать Господню приемше целити недуги душ и телес притекающих к ракам честных мощей ваших,

чудес лучи испускаете всюду. Тем зовем вам: радуйтесь, преподобнии отцы Зосимо и Савватие, монахов удобрение.

**Молитва
святому преподобному
Савватию, Соловецкому
чудотворцу**

О, преподобне отче, угодниче Христов Савватие, всею душею Господа возлюбивый и удаливыйся в пустыню сию и течение подвига спасительного совершивый. О, верный рабе Царя Небеснаго, учителю добродетелей, образ смирения, гражданине пустынный, Ангелом собеседниче, небесный жителю, херувиме земный, человеце небесный. О, свете немрачный отока Соловецкаго, паче же велие светило всея Церкви правоверных. Молюся ти, пречестне, аз многогрешный: услыши убогое мое моление раба твоего, воими глаголом нечистых уст моих, твоя ныне помощи требующаго. Се бо враг прелукавый на всяко время тщится мя погубити, иский горько поглотити душу мою, и несть мне спасения, идеже помощь прияти, зане немощию плоти моя обложен есмь и страстьми весь долу преклонихся, не имам к Богу дерзновения. Ныне же точию к твоему повергаю себе заступлению: помилуй мя омраченнаго всеми злыми делы,

воздеючи о мне всечестней руце ко Господу, о молитвенниче теплый, Савватие преподобный. За благоутробие щедрот Своих подаст ми грехов оставление и в день судный избавит мя вечнаго мучения и Царствию Своему сподобит благодатию Своею, Емуже буди всегда слава, честь и поклоение во веки. Аминь.

Тропарь, глас 3

Удалився мира и водворився в пустыни, добрым подвигом подвизався еси, злостраданием, и вниманием, и молитвами. Отону-дуже и по смерти источаеши исцеления, Савватие отче наш, моли Христа Бога спастися душам нашим.

Кондак, глас 2

Житейския молвы отбег и вселися в морской остров, премудре, и крест Господень на рамо взем, Христови последовал еси в молитвах и во бдениях, и в пощениях, злостраданием плоть свою изнуряя, Тем бысть иноком удобрение, иже любовию память твою празднующим, преподобие Савватие, моли непрестанно о всех нас.

Молитва святому преподобному Зосиме, Соловецкому чудотворцу (та же, что и преподобному Савватию, с переменной имени святого).

**Тропарь,
глас 4**

Изволением Божественнаго разума вселился еси в пустыню, и тамо, вперив ум твой в Небесныя обители, равно Ангелом житие на земли поживъ, в молитвах, и трудах, и пощениих образ был еси твоим учеником. Отонудуже Бог, видя твое благое изволение, умножи тебе чада в пустыни, слез твоих теченьми напоюмей. Но, яко имея дерзновение к Богу, поминай стадо, еже собрал еси, мудре, и не забуди, якоже обещался еси, посещая чад твоих, Зосимо преподобне, отче наш.

**Кондак,
глас 8**

Христовою любовию уязвився, преподобне, и Того Крест славный, на рамо взем, понесл еси, божественне вооружився, и непрестанныя молитвы, яко копие в руце имый, крепко ссекл еси бесовская ополчения. Тем зовем ти: радуйся, преподобне отче Зосимо, монахов удобрение.

Величание

Ублажаем вас, преподобнии отцы Зосимо и Савватие, и чтим святую память вашу, наставницы монахов и собеседницы Ангелов.

**Иаков Железноборовский,
преподобный**

(1442: 11/24 апреля и 5/18 мая)

*Преподобному Иакову Железноборовскому
молятся об исцелении от болей ног и от паралича.*

Молитва


Преподобне и богоносне отче наш Иакове! Приими ныне нас, тебе усердно молящихся и припадающих ко всечестному и многоцелебному твоему гробу, идеже святое твое и многотрудное покоится тело. Духом же на Небесех предстоя Святей Троице со Ангелы и преподобных отцев лики, молися о нас, чадах твоих, отче, да избавимся от всяких скорбей, болезней, бед и обстояний, и благочестно проживем в настоящем житии, ходяще в заповедех и оправданиях Господних безпорочно, и да явимся последователи святому и равноангельскому житию твоему. Ей, преподобне отче, молим тя, испроси нам же и всем, с верою к тебе притекающим, грехов прощение, телесем здравие, исправление жития и вечное спасение, яко да твоим предстательством спасеннии, славу возсылати

сподобимся в Троице славимому Богу, Отцу и Сыну и Святому Духу, ныне и присно и во веки веков. Аминь.

Тропарь, глас 4

Небеснаго желая, земная возненавидел еси и, взем крест свой, последовал еси Христу и от Него прием дарования чудес, исцеляти недужныя; но яко имел дерзновение ко Святей Троице, испроси православным здравие и спасение, на враги же победу, и не забуди, посещая чад своих, припадающих к целебному гробу твоему, Иакове преподобне, отче наш.

Кондак, глас 8

Сердечная очя, досточудне, ко Господу вперив и телесныя страсти исторгая, неболезненную жизнь в болезнях восприял еси, преподобне, болезням же лютым даещи исцеление просящим с верою у тебе, темже молим тя, досточудне, исцели наша болезни душевныя и телесныя, да зовем ти: радуйся, Иакове Богомудре, отче 

Величание

Ублажаем тя, преподобне отче Иакове, и чтим святую память твою, наставниче монахов и собеседниче Ангелов.

Илия пророк

(IX в. до Р.Х.; 20 июля/2 августа)

*Пророку Илии молятся о даровании дождя,
во время грома или града.*

Молитва

О, прехвальный и пречудный пророче Божий Илие, просиявый на земли равно-ангельным житием твоим, пламеннейшею ревностию по Господе Боже Вседержителе, еще же знаменни и чудесы преславными, таже, по крайнему благоволению к тебе Божию, преестественно восхищенный на огненной колеснице с плотию твоею на небо, сподобльшийся беседовати с преобразившимся на Фаворе Спасителем мира, и ныне в райских селених выну пребываяй и предстояй Престолу Небеснаго Царя! Услыши нас, грешных и непотребных, в час сей предстоящих пред святою твоею иконою и усердно прибегающих к ходатайству твоему. Моли о нас Человеколюбца Бога, да подаст нам дух покаяния и сокрушения о гресех наших, и всесильною Своею благодатию да поможет нам оставити пути нечестия, преспевати же во всяком деле блазе; да укрепит нас в борьбе со страстями и

похотьми нашими; да всадит в сердце наше дух смирения и кротости, дух братолюбия и неалобия, дух терпения и целомудрия, дух ревности к славе Божией и спасению ближних. Упраздни молитвами твоими, пророче, злыя обычаи мира, паче же погубельный и тлетворный дух века сего, заражающий христианский род неуважением к Божественней православней вере, к уставам Святыя Церкви и к заповедем Господним, непочтением к родителем и властем предержащим, и низвергающий людей в бездну нечестия, развращения и погибели. Отврати от нас, пречудне пророче, представтельством твоим праведный гнев Божий и избави вся грады и веси отечества нашего от бездождия и глада, от страшных бурь и землетрясений, от смертоносных язв и болезней, от нашествия врагов и междоусобныя брани. Укрепи твоими молитвами, преславне, предержащая власти наша в велицем их многотрудном подвиге народоправления, благопоспешествуй им во всех благих деяниях и начинаниях к водворению мира и правды в стране нашей. Пособствуй христолюбивому воинству во бранех со врагами нашими. Испроси, пророче Божий, от Господа пастырем нашим святую ревность по Бозе, сердечное попечение о спасении пасомых, мудрость во учении и

управлении, благочестие и крепость во искушениях, судиям испроси нелицеприятие и бескорыстие, правоту и сострадание к обидимым, всем начальствующим попечение о подчиненных, милость и правосудие, подчиненным же покорность и послушание ко властям и усердное исполнение своих обязанностей, да тако в мире и благочестии поживше в сем веке, сподобимся причастия вечных благ в Царствии Господа и Спаса нашего Иисуса Христа, Ему же подобает честь и поклонение, со Безначальным Его Отцем и Пресвятым Духом, во веки веков. Аминь.

**Тропарь,
глас 4**

Во плоти Ангел, пророков основание,
вторый предтеча пришествия Христова,
Илиа славный, свыше поспавый Елисееви
благодать недуги отгоняти и прокаженных
очищати, темже и почитающим его точит
исцеления.

**Кондак,
глас 2**

Пророче и провидче великих дел Бога
нашего, Илие великоимените, вещаишем
твоим уставивый водоточныя облаки, моли
о нас Единого Человеколюбца.

Величание

Величаем тя, святыи славныи пророче Божий Илие, и чтим еже на Небеса на колеснице огненной, преславное восхождение твое.

**Иоаким и Анна,
родители Пресвятой Девы Марии**

(9/22 сентября)

*Праведным Богоотцам Иоакиму и Анне
молятся о разрешении от неплодства и бес-
чадия, о покровительстве посевам и о плодо-
родии.*

Молитва

О, преславнии Христовы праведницы, святии Богоотцы Иоакиме и Анно, предстоящи Небесному Престолу Великаго Царя и велие дерзновение к Нему имущии, яко от Преблагословенныя Дщери вашея, Пречистыя Богородицы и Приснодевы Марии, воплотитися изволившему! К вам, яко многомощным предстателем и усердным о нас молитвенником, прибегаем мы, грешнии и недостойнии. Молите благость Его, яко да отвратит от нас гнев Свой, по делом нашим праведно на ны движимый, и да

безчисленные прегрешения наша презрев, обратит нас на путь покаяния и на стези заповедей Своих да утвердит нас. Также молитвами вашими в мире живот наш сохраните и во всех благих благое поспешение испросите, вся яже к животу и благочестию потребная нам от Бога дарующе, от всяких напастей и бед и напрасныя смерти предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и тако в мире временное сие житие прешедше в вечный достигнем покой, идеже вашим святым умолением да сподобимся Небеснаго Царствия Христа Бога нашего, Ему же со Отцем и Пресвятым Духом подобает всякая слава, честь и поклонение во веки веков. Аминь.

Тропарь, глас 2

Праведных Твоих Иоакима и Анны, Господи, память празднующе, теми молим Тя: спаси души наша.

Кондак, глас 2

Радуется ныне Анна, неплодства разрешившись союз, и питает Пречистую, созывающи вся воспети Даровавшаго от чрева ея человеком едину Матерь и Неякусомужную.

Иоани Богослов, апостол, евангелист

*(98 117; 8/21 мая, 26 сентября/9 октября,
30 июня/13 июля)*

Апостолу Иоанику Богослову молятся при изучении иконописания, об успехах в рыболовстве и о добрых отношениях в семье.

Молитва

О, великий апостоле, евангелисте громогласный, Богослове изящнейший, тайновидче непостижимых откровений, девственниче и возлюбленный наперсниче Христов Иоанне, прими с свойственным тебе милосердием нас грешных, прибегающих под твоё сильное заступление и покровительство! Испроси Всещедраго Человеколюбца Христа и Бога нашего, Иже пред очесы твоими изливал есть Кровь Свою дражайшую за нас, неотребных рабов Своих, да не помянет беззаконий наших, но да помянет нас, и да сотворит с нами по милости Своей: да дарует нам здравие душевное и телесное, всякое благоденствие и изобилие, научая нас обращати вся оная в славу Его, Творца, Спасителя и Бога нашего. По кончине же временныя жизни нашей да избегнем мы, святой апостоле, немилосердных

истязаний, на воздушных мытарствах нас ожидающих, но да достигнем под твоим руководством и покровительством горняго онаго Иерусалима, егоже славу во откровении ты зрел еси, а ныне наслаждаешься оныя радости, обещанныя избранным Божиим. О, великий Иоанне, сохрани вся грады и страны христианския, весь сию, храм сей, посвященный твоему имени, служащих и молящихся в нем, от глада, губительства, труса и потопа, огня, меча, нашествия иноплемennых и междоусобных брани, избави от всякия беды и напасти, и молитвами твоими отврати от нас праведный гнев Божий, и испроси нам Его милосердие! О, великий и непостижимый Боже, Альфо и Омега, источниче и предмете нашей веры! Се на умоление Тебе предлагаем святаго Иоанна, егоже Ты сподобил еси познати Тебе, неисповедимаго Бога, в неизреченном откровении. Приими его о нас ходатайство, даруй нам исполнение прошений наших, во славу Твою: а паче всего соверши нас духовным совершенством, к наслаждению жизни нескончаемая, в Небесных Твоих обителях. О, Небесный Отче, создавый вся Владыко, Душе духов, Всесильный Царю! Коснися перстом Твоим сердец наших, да и они, растаявше, яко воск пролиются пред Тобою, и брeнная тварь духовна сотворится,

в честь и славу Отца и Сына и Святаго Духа.
Аминь.

Тропарь, глас 2

Апостоле, Христу Богу возлюбленне,
ускори избавити люди безответныя, при-
емлет тя припадающа, Иже падша на пер-
си приемый. Егоже моли, Богослове, и на-
лежащую мглу языков разгнати, прося нам
мира и велия милости.

Кондак, глас 2

Величия твоя, девственнице, кто по-
ведеть? Точиши бо чудеса и изливаеши ис-
целения, и молишися о душах наших, яко
Богослов и друг Христов.

Величание

Величаем тя, апостоле Христов и еван-
гелисте Иоанне Богослове, и чтим болезни
и труды твоя, имже трудился еси во благо-
вести Христове.



Иоани Воин, мученик

(IV: 30 июля/12 августа)

*Мученику Иоанну Воину молятся об отыс-
кании и возвращении украденного, о защите
от воров и от обидчиков.*

Молитва

О, великий Христов мучениче Иоанне, правоверных поборниче, врагов прогонителю и обидимых заступниче! Услыши нас, в бедах и скорбях молящихся тебе, яко дана тебе бысть благодать от Бога печальныя утешати, немощным помогати, невинныя от напрасныя смерти избавляти и за всех зле страждущих молитися. Буди убо и нам поборник крепок на вся видимыя и невидимыя враги наша, яко да твоею помощию и поборством по нас посрамятся вси являющии нам злая. Умоли Господа нашего, да сподобит ны, грешныя и недостойныя рабы Своя, получитьи от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь.

Тропарь, глас 4

Всеблагаго Бога и Царя благоверный раб и воин явился еси, Иоанне чудодетелю, страдав бо ради веры мужески, блаженно же скончав течение, зриши Всетворца Господа и Небесех светлейше, от Негоже прием дарование чудес, страждущим человеком во всяких напастех помогаеши: укрепляеши воины в ратех, от врагов пленения, ран же и внезапных смертей и от бед лютых изымаеши. Темже моли Владыку Христа,

приснопамятне, да во всяком обстоянии сотворит нам милость и не введет нас во искушения, но спасет души наша, яко Человеколюбец.

Кондак, глас 6

Благочестиваго воина Христова, победившаго враги душевныя и телесныя богомудренно, Иоанна мученика, достодожно песньми восхвалим, чудодействуя бо, подает обильная исцеления страждущим людем, и молится Господу Богу от всяких бед спасти правоверныя.

Величание

Величаем тя, страстотерпче святой Иоанне, и чтим честная страдания твоя, яже за Христа претерпел еси.

Иоанн Златоуст, архиепископ Константинопольский

(407; 13/26 ноября,
14/27 сентября; 27 января/9 февраля,
30 января/12 февраля)

*Святителю Иоанну Златоусту молятся о
просвещении разума к учению духовной гра-
моты и о помощи в отчаянии.*

Молитва

О, святителю великий Иоанне Златоусте! Многая и различная дарования от Господа принял еси и, яко раб благий и верный, вся данныя тебе таланты добре умножил еси: сего ради воистинну вселенский учитель был еси, яко всяк возраст и всяко звание от тебе поучается. Ты еси отроком — послушания образ, юным — целомудрия светило, мужем — трудолюбия наставник, старым — незлобия учитель, иноком — воздержания правило, молящимся — вождь от Бога вдохновенный, мудрости ищущим — ума просветитель, витиям доброглаголивый — слова живаго источник неисчерпаемый, благотворящим — милосердия звезда, начальствующим — правления мудраго образ, правды ревнителем — дерзновения вдохновитель, правды гонимым — терпения наставник: всем вся был еси, да всяко некия спасеши. Над всеми же сими стяжал еси любовь, яже есть союз совершенства, и тою, яко силою божественною, вся дарования во едином лице твоём во едино совокупил еси, и туюжде любовь, разделенная примиряющую, в толковании словес апостольских всем верным проповедал еси. Мы же грешнии, по единому кийждо свое дарование имуще, единения духа в союзе мира не имамы, бываем тщеславни, друг друга раздражающе,

друг другу завидяще: сего ради дарования наша разделенная не в мир и спасение, но во вражду и осуждение нам приложися. Темже к тебе, святителю Божий, припадаем, раздором обуреваемы, и в сокрушении сердца просим: молитвами твоими отжени от сердец наших всяку гордость и зависть, нас разделяющия, да во мнозех удех едино тело церковное будем, да по словеси твоему молитвенному возлюбим друг друга и единомыслием исповемы Отца и Сына и Святаго Духа, Троицу Единосущную и Нераздельную, ныне и присно и во веки веков. Аминь.

Тропарь, глас 8

Уст твоих, якоже светлость огня, возсиявши благодать, вселенную просвети: не сребролюбия мирови сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спастися душам нашим.

Кондак, глас 6

От Небес приял еси Божественную благодать и твоими устами вся учиши покланятися в Троице Единому Богу, Иоанне Златоусте, всеблаженне, преподобне, достойно хвалим тя: еси бо наставник, яко Божественная являя.

**Иоани Креститель, пророк,
Предтеча Господень**

(7/20 января; 24 июня/7 июля;
24 февраля/9 марта; 25 мая/7 июня;
29 августа/11 сентября;
23 сентября/6 октября; 12/25 октября)

*Пророку Иоанну, Крестителю Господню,
молятся об избавлении от головной боли,
при освящении ичельника, за детей, о покровительстве посевам и о плодородии земель.*

Молитва

Крестителю Христов, проповедниче покаяния, кающегося не презри мене, но совокупляясь с вои небесными, молися ко Владыце за мене недостойного, унылаго, немощного и печального, во многия беды впадшаго, утружденного бурными помыслы ума моего: аз бо есмь вертеп злых дел, отнюд не имеяй конца греховному обычаю; пригвожден бо есть ум мой земным вещем: что сотворю, не вем. И к кому прибегну, да спасена будет душа моя? Токмо к тебе, святой Иоанне, благодати тезоимените, яко ты пред Господем по Богородице вем больша быти рожденных всех, ибо ты сподобился еси коснуться верху Царя Христа, вземлющаго грехи мира, Агнца Божия: Егоже моли

за грешную мою душу, да поне отныне, в первыйнадесять час, понесу тяготу благую и прииму мзду с последними. Ей, Крестителю Христов, честный Предтече, крайний Пророче, первый во благодати мучениче, постников и пустынников наставниче, чистоты учителю и ближний друже Христов, тя молю, к тебе прибегаю: не отрини мене от твоего заступления, но возстави мя падшагося многими грехи; обнови душу мою покаянием, яко вторым крещением, понеже обоего начальник еси: крещением омываяй прародительный грех, покаянием же очищаяй коегождо дело скверно; очисти мя грехами оскверненнаго и понуди внити, аможе ничтоже скверно входит, во Царствие Небесное. Аминь.

Тропарь, глас 4

Первее нераждающая, неплоды, возвеселися: се бо зачала еси Солица светильника яве, просвещати имуща всю вселенную, слепотою ведугующую. Ликуй, Захарие, вопия со дерзновением: пророк Вышняго есть хотяй родитися (23 сентября/6 октября; зачатие Предтечи и Крестителя Иоанна).

Кондак, глас 3

Прежде неплоды днесь Христова Предтечу раждает, и той есть исполнение всякаго

пророчества: Егоже бо пророцы проповедаша, на Сего во Иордане руку положив, явися Божия Слова пророк, проповедник, вкупе и Предтеча (24 июня/7 июля; рождество честного славного пророка, Предтечи и Крестителя Господня Иоанна).

Величание

Величаем тя, Предтече Спасов Иоанне, и чтим еже от неплодове преславное рождество твое (на рождество Предтечево и на зачатие).

Иоанн Кронштадтский, праведный

(1908; 20 декабря/2 января)

Праведному Иоанну Кронштадтскому молятся об исцелении от различных недугов, в том числе и об исцелении от беснования, об избавлении от страсти пьянства и запоя (сохранилось много свидетельств об исцелении им алкоголиков), о помощи в трудном учении.

Молитва

О, великий угодниче Христов, святой праведный отче Иоанне Кронштадтский, пастырю дивный, скорый помощниче и

милостивый предстателю! Вознося славо-
 словие Тринедину Богу, ты молитвенно
 взывал: «Имя Тебе Любовь: не отвергни
 меня заблуждающагося. Имя Тебе Сила:
 укрепи меня изнемогающаго и падающаго.
 Имя Тебе Свет: просвети душу мою, омра-
 ченную житейскими страстями. Имя Тебе
 Мир: умири мятущуюся душу мою. Имя
 Тебе Милость: не преставай миловать ме-
 ня». Ныне благодарная твоему предста-
 тельству всероссийская паства молится те-
 бе: Христовенитый и праведный угодниче
 Божий! Любвию твоею озари нас, грешных
 и немощных, сподоби нас принести достой-
 ные плоды покаяния и неосужденно при-
 чащаются Святых Христовых Таин. Силою
 твоею веру в нас укрепи, в молитве поддер-
 жи, недуги и болезни исцели, от напастей,
 врагов видимых и невидимых избави. Све-
 том лика твоего служителей и предстояте-
 лей алтаря Христова на святые подвиги
 пастырского делания подвижни, младенцам
 воспитание даруй, юность настави, старость
 поддержи, святыни храмов и святые оби-
 тели озари. Умири, чудотворче и провидче
 преизряднейший, народы страны нашей,
 благодатию и даром Святаго Духа избави
 от междоусобицы брани; расточенныя со-
 бери, прельщенныя обрати и совокупи Свя-
 тей Твоей Соборной и Апостольской Церкви.

Милостию твоею супружества в мире и единомыслии соблюди, монашествующим в делах благих преуспеяние и благословение даруй, малодушныя утеша, страждущих от духов нечистых свободи, в нуждах и обстояниях сущих помилуй и всех нас на путь спасения настави. Во Христе живый, отче наш Иоанне, приведи нас к невечернему свету жизни вечныя, да сподобимся с тобою вечнаго блаженства, хваляще и превозносяще Бога во веки веков. Аминь.

Тропарь, глас 1

Православныя веры поборниче, земли Россійския печальниче, пастырем правило и образе верным, покаяния и жизни во Христе проповедниче, Божественных Таин благоговейный служителю и дерзновенный о людех молитвенниче, отче праведный Иоанне, целителю и предивный чудотворче, граду Кронштадту похвало и Церкви нашея украшение, моли Всеблагаго Бога умирить мир и спасти души наша.

Кондак, глас 3

Днесь пастырь Кронштадтский предстоит Престолу Божию и усердно молит о верных Христа Пастыреначальника, обетование давшаго: «Созижду Церковь Мою и врата ада не одолеют ея».

Величание

Величаем тя, святы́й праведный отче
Иоанне, и чтим святую память твою, ты бо
молиши за нас Христа Бога нашего.

**Иоанн Милостивый, святитель,
патриарх Александрийский**

(620; 12/25 ноября)

*Святителю Иоанну Милостивому молятся
о заступничестве вдовиц и сирот, о состра-
дании к нищим, сирям и беззащитным, о по-
мощи в бедности и нужде.*

Молитва

Святителю Божий Иоанне, милостивый
защитниче сирых и сущих в напастех!
К тебе прибегаем и тебе молимся, яко ско-
рому покровителю всех ищущих от Бога
утешения в бедах и скорбех: не престай,
моляся ко Господу о всех с верою прите-
кающих к тебе! Ты преисполнен быв Хри-
стовы любви и благодати, явился еси яко
чудный чертог добродетели милосердия и
стяжал еси себе имя «милостивый». ты был
еси яко река, непрестанно текущая щедры-
ми милостями и всех жаждущих обильно

напаяющая. Веруем, яко по переселении от земли на небо, усугубился в тебе дар благодати сея и яко соделался еси неисчерпаемый сосуд всякия благодости. Сотвори убо твоим ходатайством и заступлением пред Богом всякия утехи, да вси, прибегающии к тебе, обретают мир и безмятежие: даруй им утешение в печалех временных и пособие в нуждах житейских, всели в них надежду вечнаго упокоения во Царствии Небеснем. В житии твоём на земли ты был еси пристанище всем сущим во всякой беде и нужде, обидимым и недугующим, и ни един от притекавших к тебе и просивших у тебе милости лишен бысть твоя благодости: тожде и ныне, царствуя со Христом Богом на Небеси, яви всем поклоняющимся пред честною твоею иконою и молящимся о помощи и заступлении. Не точию сам ты творил еси милость безпомощным, но и сердца других воздвигал еси ко утешению немощных и ко призрению убогих: подвигни убо и ныне сердца верных к заступлению сирых, ко утешению скорбящих и успокоению немощных, да не оскудевают в них дары милости, паче же да вселится в них и в дому сем, призревающем страждущих, мир и радость о Дусе Святе, во славу Господа и Спаса нашего Иисуса Христа, во веки веков. Аминь.

Тропарь, глас 8

В терпении твоём стяжал еси мзду твою,
отче преподобне, в молитвах непрестанно
терпевый, нищия возлюбивый и сия удовли-
вый, но молися Христу Богу, Иоанне мило-
стиве, блаженне, спаситися душам нашим.

Кондак, глас 2

Богатство твое расточил еси убогим и Не-
бесное богатство ныне восприимал еси, Иоанне
всемудре, сего ради вси тя почитаем, совер-
шающе память твою, милостыни о тезо-
имените!

Величание

Величаем тя, святителю отче Иоанне, и
чтим святую память твою, ты бо молиши
за нас Христа Бога нашего.

Иоанн Новый, Сочавский, великомученик

(1330–1340; 2/15 июня)

*Великомученику Иоанну Новому, Сочавско-
му, молятся о благоуспешной торговле.*

Молитва

О, святой угодниче Божий, Иоанне!
Подвигом добрым подвизався на земли,

восприял еси на Небесех венец правды, егоже уготовал есть Господь всем любящим Его. Темже взирающе на святыи твой образ, радуемся о преславнем скончании жительства твоего и чтем святую память твою. Ты же, предстоя Престолу Божию, приими моления наша и ко Всемилостивому Богу принеси, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякого зла, благочестно и праведно поживем в нынешнем веце и сподобимся предстательством твоим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Триварь, глас 4

Житие на земли добре окормляя, страдалече, милостынями и частыми молитвами, и слезами, паки же ко страданию мужески устремився, перское обличил еси нечестие. Темже Церкви был еси утверждение и христиан похвало, Иоанне приснопамятне.

Кондак, глас 4

Морскую плавая пучину куплею, от востока тщался еси к северу, но Богу призвавшу

тя, якоже Матфей мытницу, ты же куплю оставль и Тому последовал еси кровию мучения, временными искупив непроходимая и венец приял еси непобедимый.

Величание

Величаем тя, страстотерпче святыи Иоанне, и чтим честная страдания твоя, яже за Христа претерпел еси.

Иоани Рыльский, преподобный

*(946; 18/31 августа
и 19 октября/1 ноября)*

*Преподобному Иоанну Рыльскому молятся
об исцелении от немощи.*

Молитва

О, преподобне и богоносне отче наш Иоанне, зрителю неизреченных славы в Небеснем Царствии и помощниче благодатный всем к тебе притекающим, не остави места сего, на немже труды и подвиги о Христе подъял еси и землю слезами твоими оросил еси! Да пребудет обитель твоя, в нейже благоволи Бог святым твоим мощем почивати, незыблема от ухищрений врагов видимых

и невидимых. Укрепи в доброделании чада твоя, ихже во обитель твою собрал еси, яко да познают авание свое и последуют стопам твоим. Страну нашу в мире соблюди, православным людям во бранех на сопротивныя споборствуй. Посети с высоты небесныя всех, верно к тебе притекающих и просящих твоего крепкаго заступления: в море плавающих управи, житейскаго моря волнение утиши, церковныя раздоры укроти, мир всему миру у Господа испроси, болящих уврачуй спасительным посещением, скорбных утеши благодатию, всем буди вся, якоже был еси в земнем житии твоём. Сотвори о нас к Богу молитву, дана бо ти есть благодать молиться за ны, яко да сподобимся твоим ходатайством улучшить вечное блаженство купно с тобою и всеми святыми во Христе Иисусе, Господе нашем, Емуже подобает всякая слава, честь и поклонение со Отцем и Святым Духом во веки веков. Аминь.

Тронарь, глас 1

Покаяния основание, прописание умиления, образ утешения, духовнаго совершення, равно Ангелом житие твое бысть, преподобне: в молитвах убо и пощениих, и в слезах пребывая, отче Иоанне, моли Христа Бога о душах наших.

Кондак, глас 8

Ангельскому житию поревновав, преподобне, вся земная оставив, ко Христу притекл еси, и Того заповедьми ограждаяся явился еси столп непоколебим от вражних нападений. Тем зовем ти: радуйся, отче Иоанне, светило пресветлое.

Величание

Ублажаем тя, преподобие отче Иоанне, и чтим святую память твою, наставниче монахов и собеседниче Ангелов.

Иов Многострадальный, праведный

(ок. 2000–1500 до Р.Х.;
6/19 мая)

Праведному Иову Многострадальному молятся об укреплении в терпении болезней и несчастий.

Молитва

О, святой угодниче Божий праведный Иове, подвигом добрым подвизался на земли, восприял еси на Небесех венцы правды, егоже уготовал еси Господь всем любящим Его; темже взирающе на святую

икону твою, радуемся о преславнем скончании жительства твоего и чтем святую память твою. Ты же, предстоя Престолу Божию, прими моления наша и ко Всемилостивому Богу принеси, о еже простити нам всякое прегрешение и помощи нам стати противу кознем диавольским, да избавимся от скорбей, болезней, бед и напастей и всякаго зла, благочестно и праведно проживем в нынешнем веце и сподобимся предстательством твоим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Тропарь, глас 2

Память праведнаго Твоего Иова, Господи, празднующе, тем Тя молим: избави нас от наветов и сетей лукаваго диавола и спаси души наша, яко Человеколюбец.

Кондак, глас 8

Яко истинен и праведен, богочестив и непорочен, освящен же явлься, всеславне, Божий угодниче истинный, просветил еси мир в терпении твоём, терпеливейший и доблейший. Темже вси, богомудре, память твою воспевает.

Величание

Величаем тя, святыи праведный Иове, и чтим святую память твою, ты бо молиши за нас Христа Бога нашего.

Иов, преподобный, игумен Почаевский

(1651; 28 августа/10 сентября
и 28 октября/10 ноября)

*Преподобному Иову Почаевскому молятся
об избавлении от нашествия иноверных и
иноплеменных.*

Молитва

О, преподобне отче Иове, иноков трудолюбнаго жития богомудрый наставниче, кротости и воздержания, чистоты и целомудрия, братолюбия и нищелюбия, терпения и бдения от ранния юности до поздния старости неустойимый подвижниче, веры православныя великий ревнителю и непроборимый поборниче, земли Волинския и Галицкия светило благосветлое, и святых Почаевския обители непобедимый защитниче! Призри оком благоутробия твоего на нас, недостойных чад твоих, к тебе усердно по вся дни прибегающих, и на боголюбивыя люди сия, пред твоими духовными и мно-

гоцелебными мощами собравшиися и благоговейно к тем припадающия, и испроси предстательством твоим ко Всевышнему Владыце им и нам вся, яже к животу и благочестию, полезная и благопотребная: болящия исцели, малодушныя ободри, скорбящия утеши, обидимыя заступи, немощныя подкрепи и поверженныя долу возстави, всем вся, благодатию тебе от Бога данною, даруй, по коегождо нужде и потребе, во спасение души и во здравие телу. Вознеси, угодниче Божий, всемогущую молитву твою о правителях государства нашего, да будет всегда в державе нашей мир и тишина, благочестие и благоденствие, в суждех правда и милость, в советех мудрость и благое преспеяние, да утверждается же во благих человецех верность, в злых же страх и боязнь, во еже престати им от ала и творити добрая, да тако в державе Российстей Царство Христово растет и множится, и да прославится в нем Бог, дивный во святых Своих, Ему же Единому подобает всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Тропарь, глас 4

Возложь на ся иго Христово от юности, преподобне отче Иове, многолетне свято подвизался еси на доприще благочестия во

обители Угорницстей и на острове Дубен-
 стем, и пришед к горе Почаевской, знаме-
 нанной цельбоносною стопою Пресвятыя
 Богородицы, в тесной пещере каменной
 богомыслия ради и молитвы многократно
 заключался еси, и, благодатию Божиею
 укрепляясь, мужественно потрудился еси
 на пользу обители твоея, купно же и про-
 тиву врагов Православия и благочестия
 христианскаго. И наставив сицевому опол-
 чению иночествующих, победители тех
 представил еси Владыце своему и Богу. Того
 моли спастися душам нашим.

Кондак, глас 8

Воссия от спуда земнаго сокровище не-
 тленное мощей твоих, угодниче Божий, яко,
 благочестно пожив в вере Христа Бога на-
 шего, достигл еси добродетелей совершенст-
 ва, и, оставив сладость жития преходяща-
 го, в пещере горы Почаевския в пощениих,
 молитвах и трудах свято подвижался еси, и
 теми тело твое увядил еси. Ныне же, пришед
 к Богу в безмятежный и вечный покой, мо-
 лишися о всех с верою к тебе прибегающих.
 Тем же благодарне вопием ти: радуйся, Иове,
 преславный угодниче Божий и обители По-
 чаевския украшение (28 августа/10 сен-
 тября; обретение мощей преподобного
 Иова Почаевского).

Величание

Ублажаем тя, преподобне отче наш Иове,
и чтим святую память твою, наставниче
монахов и собеседниче Ангелов.

Иосиф Волоцкий, преподобный

(1515; 9/22 сентября и 18/31 октября)

*Преподобному Иосифу Волоцкому молятся
об избавлении от нашествия иноверных.*

Молитва

О, преблаженне и присвославне отче
наш Иосифе! Ведуще твое великое к Богу
дерзновение и ко твоему твердому заступ-
лению прибегающе, в сокрушении сердца
молим тя: озари нас светом дарованных те-
бе благодати и молитвами твоими помози
нам бурное море жития сего безмятежно
прейти и пристанища спасения неблажен-
но достигнути. Се бо, суетными поработени
сущи, грехолюбиви же и немощни от обы-
шедших нас зол возникнуть являющиеся, к
кому прибегнем, аще не к тебе, явившему
неоскудеваемое богатство милости в земном
житии твоём. Веруем же, яко и по отшествии
твоём множайшее стяжая еси дарование,

еже о бедствующих милосердовати. Темже убо ныне, к тебе прибегающе, умиленно просим тя, святче Божий: сам искушен быв, помози и нам искушаемым; постом и бдением поправый силу демонскую, и нас от нападений вражиих защити; препитаемый голодом погибающия, и нам испроси у Господа изобилие плодов земных и вся ко спасению потребная; посрамивый еретическая мудрования, Церковь святую от ересей и раскола и смущений молитвами твоими огради, да тожде мудствуем вси, единым сердцем славяще Святую, Единосущную, Животворящую и Нераздельную Троицу, Отца и Сына и Святаго Духа во веки веков. Аминь.

Тропарь, глас 5

Яко постников удобрение и отцев красоту, милости подателя, разсуждения светильника, вси вернии, сошедшеся, восхвалим кротости учителя и ересей посрамителя, премудраго Иосифа, российскую звезду, молящаяся Господу помилватися душам нашим.

Кондак, глас 8

Жития треволнения, и мятеж мирский, и страстная възгнания в ничтоже вменив, пустынный гражданин показался еси, мно-

гих быв наставник, Иосифе преподобне, монахов собратъ и молебник верен, чистоты рачитель, моли Христа Бога спастися душам нашим.

Ведичанне

Ублажаем тя, преподобне отче Иосифе, и чтим святую память твою, наставниче монахов и собеседниче Ангелов.

Иосиф Обручник, праведный

(в неделю по Р.Х.)

Праведному Иосифу Обручнику молятся при нападении грабителей (Иосиф сам претерпел нападение от разбойников во время своего бегства с Девой Марией и Божественным Младенцем в Египет), о сохранении и помощи в пути.

Молитва

О, святой праведный Иосифе! Ты еще на земли сый, велие имел еси дерзновение к Сыну Божию, Иже благоизволи именовать тя отцем Своим, яко обручника Своей Матере, и послушати тя; веруем, яко ныне с лики праведных во обителях Небесных водворяяся, услышан будещи во всяком

твоим прощении к Богу и Спасителю нашему. Темже, ко твоему покрову и заступлению прибегающе, смиренно молим тя: якоже сам от бури сомнительных помышлений избавлен был еси, сице избави и нас, волнами смущений и страстей обуреваемых; якоже ограждал еси Всенепорочную Деву от клеветы человеческия, огради и нас такожде от всякия клеветы напрасныя; якоже хранил еси от всякаго вреда и озлобления Воплотившагося Господа, сице сохраняй твоим заступлением Церковь Его Православную и всех нас от всякаго озлобления и вреда. Веси, святче Божий, яко и Сын Божий во днех плоти Своея в телесных потребах нужду имеаще, и ты послужил еси им; того ради молим тя, и нашим временным нуждам благопоспеси твоим ходатайством, подавая нам вся благая, в житии сем потребная. Изряднее же просим тя, исходатайствуй нам оставление грехов прияти от нареченнаго ти Сына, Единороднаго же Сына Божия, Господа нашего Иисуса Христа, и достойны быти наследия Царства Небеснаго нас предстательством твоим сотвори, да и мы, в горних селениих с тобою водворяющесе, прославим Единого Троицостаснаго Бога, Отца и Сына и Святаго Духа, ныне и во веки веков. Аминь.

Тропарь, глас 2

Благовестуй, Иосифе, Давиду чудеса,
Богоотцу: Деву видел еси рождшую, с пас-
тыри славословил еси, с волхвы поклонился
еси, Ангелом весть прием. Моли Христа Бо-
га спасти души наша.

Кондак, глас 3

Веселия днесь Давид исполняется боже-
ственный, Иосиф же хваление со Иаковом
приносит: венец бо сродством Христовым
приемше, радуются, и неизреченно на земли
Рождшагося воспевают, и вопиют: Щедре,
спасай Тебе чтущия.

Ирмения

Величаем тя, святой праведный Иосифе,
и чтим святую память твою, ты бо молиши
за нас Христа Бога нашего.

Ирина, великомученица

(I—II; 5/18 мая)

*Великомученице Ирине молятся об укрепле-
нии и хранении заповедей Божиих.*

Молитва

О, многострадальная и преславная Ири-
но, невесто Христова всехвальная, угоднице

Божия! Предстоящи у Престола Пресвятыя Троицы и наслаждающихся неизреченнаго блаженства, призри убо милостивно на нас, приносящих ти хвалебное пение сие. Испроси нам милость отпущения грехов у Преслагаго Господа, вемы бо, воистинну вемы, яко вся, елико восхощеши, испросити у Него можеши. Темже убо смиренно припадаем к тебе и просим: умилостави Владыку неба и земли, да подаст нам дух твоея ревности ко хранению святых Его заповедей, яко да возможем земное поприще в добродетельном житии проводить, райския селения унаследовати и тамо с тобою и всеми святыми прославляти Отца и Сына и Святаго Духа во веки веков. Аминь.

Тропарь, глас 4

Агница Твоя, Исусе, Ирина зовет велиим гласом: Тебе, Женише мой, люблю, и Тебе ищущи страдальчествоую и сраспинаюся и спогребаяюся крещению Твоему, и стражду Тебе ради, яко да царствую в Тебе и умираю за Тя, да и живу с Тобою; но яко жертву непорочную прими мя, с любовию пожержшуюся Тебе. Тоя молитвами, яко Милостив, спаси души наша.

Кондак, глас 2

Храм твой всечестный, яко цельбу душевную обретше, вси вернии велегласно

вопием ти: дево мученице Ирина, великоименитая, Христа Бога моли непрестанно о всех нас.

Величание

Величаем тя, страстотерпице Христова Ирина, и чтим честное страдание твое, еже за Христа претерпела еси.

Иринарх, затворник Ростовский, преподобный

(1616; 13/26 января: 23 мая/5 июня)

Преподобному Иринарху Ростовскому молятся об избавлении от бессонницы, об исцелении от беснования и об изгнании бесов.

Молитва

О, великий угодниче Христов, добропроизвольный страдальче, новопросиявый чудесы, отче наш Иринарше, Российстей земли удобрение, граду Ростову похвало, обители сей велие украшение и утверждение! Кто не удивится твоему самопроизвольному и долголетнему страдальческому терпению; тридесать бо лет в тесней и хладней хижине себе заключил еси, хлад, алчбу и изнурение плоти Царствия ради Небеснаго

понесл еси, к сему же и изгнание из обители по наваждению вражю безропотно претерпел еси. Ве мы же, яко последи умолен быв от братии, яко неалобивый агнец, паки в обитель твою возвратился еси, и в туюжде тесную хижину вселился еси, яко адамант твердый, на невидимая бесовская полчища и видимыя враги твоя терпением себе вооружив. Егда же попущением Божиим наидоша на обитель сию польстии ратницы, сих не убоялся еси смертнаго прещения, но уцеломудрив я словом, восвоеси возвратитися сотворил еси. Сего ради Всеблагий Бог, видя твою веру и страдальческое долготерпение, дар прозорливства и исцеления тебе дарова: бесным бо исцеление, хромым доброхождение, слепым прозрение подавал еси, и иная многая с верою к тебе приходящим, во благо даже доднесь чудодействуеши. Мы же, недостойнии, таковая чудеса видяще и радости исполняющесе, взываем к тебе сице: радуйся, доблественный страдальче и бесов победителю, радуйся скорый наш помощниче и теплый к Богу молитвенниче. Услыши убо и нас грешных, молящихся тебе и прибегающих под кров твой: яви милостивное предстательство твое о нас ко Всевышнему и исходатайствуй твоими богоприятными молитвами вся полезная ко спасению душ и телес наших, сохрани свя-

тую обитель сию, всякий град и весь и всякую страну христианскую от всех наветов вражиих, в скорбех же и болезнех наших подавай нам руку помощи, да твоим ходатайством и заступлением, благодатию же и милосердием Христа Бога нашего, избавимся и мы, недостойнии, по отшествии от жития сего, шуияго стояния, и да сподобимся деснаго со всеми святыми во веки веков. Аминь.

Тропарь, глас 4

Яко мученика добропроизвольна и преподобных удобрение, звезду Ростовскую, в затворе, узах и веригах Господеву благоугодившаго и чудес благодать от Него приемшаго, Иринарха предивнаго песньми хвалебными почтим я, к нему припадающе, умильно глаголем: отче преподобне, моли Христа Бога спастися душам нашим.

Ковдак, глас 2

Волнений множество жестоким житием преходя, изгнания, затвор и узы железныя претерпел еси мужески, Иринарше терпеливодушне, нам оставль образ злострадания и терпения твоего, озаряя чудес блистаньями с верою приходящих к честному гробу твоему, у негоже, яко почеть победную, вериги твоя тяжкия видим, от нихже

подаешти исцеления недужным. Сего ради зовем ти: радуйся, Иринарше, отче предивный.

Величание

Ублажаем тя, преподобне отче Иринарше, и чтим святую память твою, наставниче монахов и собеседниче Ангелов.

**Киприан, священномученик,
и Иустина, мученица**

(304; 2/15 октября)

Священномученику Киприану и мученице Иустине молятся о сохранении от колдунов.

Молитва

О, святой угодниче Божий, священномучениче Киприане, скорый помощниче и молитвенниче всем, к тебе прибегающим. Прими от нас, недостойных, хваление наше и испроси нам у Господа Бога в немощех укрепление, в болезнях исцеление, в печалех утешение и всем вся полезная в жизни нашей. Вознеси ко Господу благомогущую твою молитву, да оградит нас от падений греховных наших, да научит нас

истинному покаянию, да избавит нас от пленения диавольскаго и всякаго действия духов нечистых и избавит от обидящих нас. Буди нам крѣпкий поборник на все враги видимые и невидимые. Во искушениях подаждь нам терпение и в час кончины нашей яви нам заступление от истязателей на воздушных мытарствах наших. Да водимыя тобою достигнем Горняго Иерусалима и сподобимся в Небеснем Царствии со всеми святыми славити и воспевати пресвятое имя Отца и Сына и Святаго Духа во веки веков. Аминь.

Тропарь, глас 4

И нравом причастник, и престолом наместник апостолом быв, деяние обрел еси, богодухновенне, в видения восход: сего ради слово истины исправляя, и веры ради пострадал еси даже до крове, священномучениче Киприане, моли Христа Бога спастися душам нашим.

Кондак, глас 1

От художества волшебнаго обратився, богомудре, к познанию божественному, показался еси миру врач мудрейший, исцеления даруя чествующим тя, Киприане со Иустиною: с неюже молися Человеколюбцу Владыце спасти души наша.

Величание

Величаем тя, святый священномучениче
Киприане, и чтим честная страдания твоя,
яже за Христа претерпел еси.

Кирилл и Мефодий, равноапостольные, учителя Словенские

(869; 885; 11/24 мая)

*Равноапостольным Кириллу и Мефодию,
учителям Словенским, молятся о просве-
щении разума и о научении духовной гра-
моте.*

Молитва

О, преславнии языков словенских
учителие и просветителие, святии равноа-
постольнии Мефодие и Кирилле! К вам,
яко чада ко отцем, светом учений и письмен
ваших просвещеннии и в вере Христовой
наставлении, ныне усердно прибегаем и в
сокрушении сердец наших молимся. Аще
бо и завет ваших, яко чада непокоривая,
не соблюдохом, и о угождении Богу, яко-
же учисте, небрегохом, и от единомыслия
и любви, юже словеном, яко братьям в

вере и по плоти, добре завещасте, отпадохом: обаче, якоже древле в житии вашем неблагодарных и недостойных не отвращаете тщи, но благими за злое воздаваете, тако и ныне грешных и недостойных чад ваших молитвы не отвратите, но яко велие имущи дерзновение ко Господу, прилежно Того молитесь, да наставит и обратит нас на путь спасения, распри же и раздоры, посреде единовѣрныхъ братій возникающія, да умирят, отпадшыя паки во единомыслие приведет и всех нас единеніемъ духа и любви во Единей, Свѣтой, Соборной и Апостольской Церкви соединит. Вемы бо, вемы, яко много можетъ молитва праведника ко благосердію Владыки, аще и о грѣшныхъ людехъ приносима бываетъ. Не оставите убо насъ, унылыхъ и недостойныхъ чадъ вашихъ, ихже грѣхъ ради паства ваша, вами собранная, враждою разделяема и соблазны отъ иноверныхъ прельщаема, умалися, овцы же ея словесныя, разсеяваемы отъ волковъ мысленныхъ, восхищаются: дадите убо намъ, молитвами вашими о православіи ревность, да, ею возгреваемы, отеческая преданія добре сохранимъ, уставы и обычаи церковныя верво соблюдать потщимся, всякихъ лжеучений странныхъ отбежимъ, и тако в житіи богоугодномъ на земли пребывающе, жизни райскія на Небеси сподобимся, и

тамо с вами вкупе Владыку всех, в Троице Единого Бога, прославим во веки веков. Аминь.

**Тропарь,
глас 4**

Яко апостолом единоправнии и Словенских стран учителя, Кирилле и Мефодие богомудрии, Владыку всех молите, вся языки словенския утвердити в Православии и единомыслии, умирити мир и спасти души наша.

**Кондак,
глас 3**

Священную двоицу просветителей наших почтим, божественных писаний предложением источник богопознания нам источивших, из негоже даже до днесь неоскудно почерпающе, ублажаем вас, Кирилле и Мефодие, Престолу Вышняго предстоящих и тепле молящихся о душах наших.

Величание

Величаем вас, святии равноапостольнии Мефодие и Кирилле, вся Словенския страны ученьми своими просветившия и ко Христу приведшия.

Косма и Дамиан, бессребреники, чудотворцы

(III; 1/14 ноября)

Бессребреникам и чудотворцам Косме и Дамиану молятся об исцелении от глазной болезни и болей ног (они еще при жизни своей делали здоровыми хромых и увечных), об исцелении от оспы, об исцелении от разных недугов и болезней, о покровительстве свадьбам и вступающим в брак, о просвещении разума к учению грамоты, о врачевании животных, об удаче в кузнечных делах (на Руси кузнецы считали их своими покровителями и в этот день не работали).

Молитва

К вам, святини бессребреницы и чудотворцы Космо и Дамиане, яко к скорым помощником и теплым молитвенником о спасении нашем мы, недостойнии, преклонше колена, прибегаем и, припадающе, усердно вопием: не презрите моления нас грешных, немощных, во многая беззакония впадших и по вся дни и часы согрешающих. Умолите Господа, да пробавит нам, недостойным рабом Своим, великия и богатыя Своя милости, избавьте нас от всякия скорби и болезни, вы бо прияли есте от

Господа и Спаса нашего Иисуса Христа неоскудную благодать исцелений, ради твердыя веры безмезднаго врачевания и мученический кончины вашей. Паки, припадающе, прилежно молим: испросите нам от Господа вся благополезная, яже в животе нашем временнем, наипаче же ко спасению вечному належащая, да сподобимся молитвами вашими улучшить кончину христианскую, безболезненну, непостыдну, мирну, и да избавимся от козней дьявольских и вечныя муки, безконечнаго же и блаженнаго Царствия Небеснаго наследники будем. Ей, угодницы Божии, не престайте молящися за ны, с верою к вам притекающия, аще бо по множеству грехов наших и несмы достойни милосердия вашего, обаче вы, вернии подражателии человеколюбия Божия суще, сотворите, да принесем плоды достойны покаяния и в вечный покой достигнем, хваляще и благословяще дивнаго во святых Своих Господа и Бога и Спаса нашего Иисуса Христа, и Пречистую Матерь Его, и ваше теплое заступление, всегда, ныне и присно и во веки веков. Аминь.

Тропарь, глас 5

Святнии бессребреницы и чудотворцы, Космо и Дамиане, посетите немощи наша: туне приясте, туне дадите нам.

Кондак, глас 2

Благодать приимше исцелений, простираете здравие сущим в нуждах, врачеве, чудотворцы преславнии, по вашим посещением ратников дерзости низложиште, мир исцеляюще чудесы.

Величание

Величаем вас, чудотворцы славнии, Космо и Дамиане, и чтим святую память вашу, наставницы заблуждшим, исцелители болящим и собеседницы Ангелом.

Ксения Петербургская, блаженная

(XVIII; 24 января/6 февраля)

Блаженной Ксении Петербургской молятся о просвещении и научении грамоте детей.

Молитва

О, святая всеблаженная мати Ксение! Под кровом Всевышнего жившая, ведомая и укрепляемая Богоматерью, голод и жажду, холод и зной, поношения и гонения претерпевшая, дар прозорливости и чудотворения от Бога получила еси и под сенью Всемогущаго покоишися. Ныне Святая Церковь, яко благоуханный цвет, прославляет

тя. Предстояще на месте твоего погребения, пред образом твоим святым, яко живей ти, сущей с нами, молимся ти: прими прошения наша и принеси их ко Престолу Милосердаго Отца Небеснаго, яко дерзновение к Нему имущая, испроси притекающим к тебе вечное спасение, на благая дела и начинания наша щедрое благословение, от всяких бед и скорбей избавление. Предстани святыми твоими молитвами пред Всемилостивым Спасителем нашим о нас, недостойных и грешных. Помози, святая блаженная мати Ксение, младенцы светом Святаго Крещения озарити и печатью дара Духа Святаго запечатлети, отроки и отроковицы в вере, честности, богобоязненности воспитати и успехи в учении им даровати; болящая и недугующая исцели, семейным любовь и согласие низпосли, монашествующих подвигом добрым подвизатися удостой и от поношений огради, пастыри в крепости Духа Святаго утврди, народ и страну нашу в мире и безмятежии сохрани, о лишенных в предсмертный час причащения Святых Христовых Таин умоли. Ты наша надежда и упование, скорое услышание и избавление, тебе благодарение воссылаем и с тобою славим Отца и Сына и Святаго Духа, ныне и присно и во веки веков. Аминь.

Тропарь, глас 7

Нищету Христову волюбивши, безсмертныя трапезы ныне наслаждаешися, безумием мнимым безумие мира обличивши, смирением крестным силу Божию восприняла еси, сего ради дар чудодейственных помощи стяжавшая, Ксение блаженная, моли Христа Бога избавитися нам от всякаго зла покаянием.

Кондак, глас 3

Днесъ светло ликует град святаго Петра, яко множество скорбящих обретают утешение, на твоя молитвы надеющиеся, Ксение всеблаженная, ты бо еси граду сему похвала и утверждение.

Величание

Ублажаем тя, святая праведная мати Ксение, и чтим святую память твою, ты бо молиши за нас Христа Бога нашего.

Лаврентий Римский, архидиакон, мученик

(258; 10/23 августа)

Мученику архидиакону Лаврентию Римскому молятся об исцелении болезней глаз.

Молитва

О, пресвятый и предивный страстотерпице Христов, архидиаконе Лаврентие! Восхваляюще веру и страдания твоя, почитаем победу и венценосное прехождение твое чрез горящее углие от тьмы века сего ко свету невечернему Престола величества Божия. Темже убо молим тя: якоже древле притекавшия с верою к покрову твоему чудесы твоими утвердил еси, тако да приимеши и нас под покров твой, и в болезни и печалех наших заступник нам да будеши: и якоже от слепоты телесных очес Крисскентяна преложением рук исцелил еси, тако да исцелиши предстательством твоим у Престола Божия и нашу душевную слепоту. Призри на разслабление наше телесное и душевное, и укрепи нас бодревностию против враг наших видимых и невидимых, удручающих нас напастьми, да твоею помощию путь мало-временныя жизни сея прешедше, непобеждены от бед и скорбей и всякаго лютаго обстояния, достигнем неприступныя славы величества Божия, идеже предстоя, молишися со дерзновением за люди, прибегающия с верою к тебе и воспевающия дивнаго во святых Бога Израилева во веки веков. Аминь.

Тропарь, глас 4

Мученик Твой, Господи, Лаврентий, во страдании своем венец прият нетленный от Тебе, Бога нашего: имеяй бо крепость Твою, мучителей низложи, сокруши и демонов немощныя дерзости, того молитвами спаси души наша.

Кондак, глас 2

Огнем божественным распалив сердце твое, огонь страстей до конца испепелил еси, страдальцев утверждение, богоносне мучениче Лаврентие, и в страданиях вопиял еси верно: ничтоже мя разлучит любви Христовы.

Величание

Величаем тя, страстотерпче святой Лаврентие, и чтим честная страдания твоя, яже за Христа претерпел еси.

**Лаврентий Черниговский,
преподобный**

(9/22 августа)

*Преподобному Лаврентию Черниговскому
молятся в телесных и душевных недугах.*

Молитва

О, всехвальный отче Лаврентие, прими сие малое моление, от нас грешных тебе приносимое, и призири милостивно с высот небесных на нас, просящих твоего ходатайства у Престола Пресвятыя Троицы, да подаст твоими молитвами мир и благоденствие стране нашей, пастырем силу в молитве, иноком подкрепление на пути совершенства, в подвизех смирения и послушания, вдовицам и сиротам заступление, немощным подкрепление, недугующим духом и душою от бесов избавление, больным исцеление, путешествующим Ангела Хранителя. Всем чтущим с любовию память твою веру искреннюю и непоколебимую. И по представлении в жизнь вечную приведи нас ко Христу твоими молитвами, да с тобою прославляем Святую Троицу, Отца и Сына и Святаго Духа, всегда, ныне и присно и во веки веков. Аминь.

Тропарь, глас 8

В тебе, отче, известно спасеся еже по образу: прием бо крест, последовал еси Христу, и дея учил еси презирати убо плоть, преходит бо, прилежати же о души, вещи безсмертней. Темже и со Ангелы срадуется, преподобне Лаврентие, дух твой.

Кондак, глас 2

Чистотою душевною божественно вооружився, и непрестанныя молитвы, яко копие вручив крешко, пробол еси бесовская ополчения, Лаврентие отче наш, моли непрестанно о всех нас.

Величание

Ублажаем тя, преподобне отче Лаврентие, и чтим святую память твою, наставниче монахов и собеседниче Ангелов.

Леонид Устьнедумский, преподобный

(1654; 17/30 июля)

*Преподобному Леониду Устьнедумскому
молятся о защите от змеиных укусов.*

Молитва

О, священная главо, преподобне отче наш Леониде, земный ангеле и небесный человеке, светильниче пресветлый, край наш Прилузский озаряяй! Тебе, угодниче Божий, неистощимое от Всеблагаго Владыки благодати и даров дадесе сокровище: с верою к тебе приходящих утешати, телесныя и душевныя недуги отгоняти. К тебе

убо прибегаем, припадающе, молимся: не презри нас, молящихся и твоея просящих помощи. Испроси нам у Христа, да сотворит с нами знамение во благо и преобразит наше мрачное житие, сердце наше прокаженное очистит и обитель сотворит для Своего вселения, яко без Него не можем творити ничесоже, да всякое наше во благо желание исполнит. Да тако, угождающе Ему, победим борющаго нас диявола, внидем, идеже все святини пребывают и прославляют Отца и Сына и Святаго Духа во веки. Аминь.

Тропарь, глас 1

Божественною любовию и житием духовным от юности распалився, преподобне, и вся, яже в мире красная, возненавидев, Христа Единого от души возлюбил еси, отче, легкое иго на рамо взем, Божественным Промыслом и Пречистыя Богородицы чудным явлением направляемь, достиже пустыни и в ней многолетне подвижался еси в трудах многих и слезах, всяким злостраданием плоть свою изнурая. Отонудуже Бог, твоя труды видев, умножи тебе чада в пустыни, но яко имея дерзновение к Богу, моли о нас, рабех твоих, отче преподобне Леониде, да избавит нас от всех навет вражиих и спасет души наша.

Кондак, глас 8

Все свое умножив желание и к Богу вперив и Тому невозвратно от души последовав, в пустыню вселися и в ней многия труды в Бозе показал еси. В непроходных местех источники водныя ископал еси и умертвил еси подвиги твоими телесная мудрования, многим путь был еси ко спасению. Темже молим тя: спаси нас яже собра, мудре, да зовем ти: радуйся, Леониде преподобне, пустынный жителю.

Величание

Ублажаем тя, преподобне отче Леониде, и чтим святую память твою, наставниче монахов и собеседниче Ангелов.

Макарий Александрийский, преподобный

(395; 19 января/1 февраля)

*Преподобному Макарию Александрийскому
молятся об исцелении бесноватых.*

Молитва

О, священная главо, земный ангеле и небесный человече, преподобне и богоносне отче наш Макарие! Припадаем ти с верою и

любовию и молимся прилежно: яви нам, смиренным и грешным, святое твое заступление. Се бо, грех ради наших, не имамы свободы чад Божиих просити о потребах наших Госнода и Владыку нашего, но тебе, молитвенника благоприятнаго, к Нему предлагаем и просим тя со усердием многим: испроси нам у благости Его благопотребныя дары душам и телесем нашим: веру праву, надежду спасения несомненну, любовь ко всем нелицемерну, в злостраданиях терпение, в молитвах постоянство, душ и телес здравие, земли плодоносие, воздуха благо-растворение, житейских потреб довольство, мирное и безмятежное житие, благую христианскую кончину и добрый ответ на Страшном Суде Христове. Не забуди, преподобне отче, и пустынное место подвигов твоих, но благоволи о нем и прослави е чудотворении твоими; и всех, приходящих на поклонение мощем твоим святым, от искушений диавольских и всякаго зла милостивно избави. Ей, чудотворче святыи! Не лиши нас помощи твоея Небесныя, во молитвами твоими вся ны приведи во пристанище спасения, и наследники яви нас всесветлаго Царствия Христова, да поем и славим неизреченныя щедроты Человеколюбца Бога, Отца и Сына и Святаго Духа, и твое святое отеческое заступление, во веки веков. Аминь.

Тропарь, глас 1

Пустынный житель и во плоти ангел, и чудотворец явился еси, богоносе отче наш Макарие, постом, бдением, молитвою Небесныя дарования прием, исцеляеши недужныя и души верою приходящих ти. Слава Давшему тебе крепость, слава Венчавшему тя, слава Действующему тобою всем исцеления.

Кондак, глас 2

Чистотою душевною божественне вооружився, и непрестанныя молитвы яко копие вручив крепко, пробол еси бесовская ополчения, Макарие, отче наш, моли непрестанно о всех нас.

Величание

Ублажаем тя, преподобне отче Макарие, и чтим святую память твою, наставниче монахов и собеседниче Ангелов.

**Макарий Желтоводский, Унженский
чудотворец, преподобный**

(1444; 25 июля/7 августа)

Преподобному Макарию Желтоводскому, Унженскому чудотворцу, молятся о защите от нашествия иноплеменных, от насилия иноверных.